




An tÚdarás Slándála Príobháidí
The Private Security Authority

Tuarascáil Bhliantúil

2021

An Misean atá againn

Gníomhaíochtaí na ndaoine a oibríonn sa tionscal slándála príobháidí a rialáil chun a chinntiú go ndéanfar leasanna tomhaltóirí a chosaint ina n-iomláine trí chaighdeáin chuí a bhunú agus a chur chun cinn agus trí fhaireachán agus forfheidhmiú a dhéanamh ar na caighdeáin sin.



CLÁR ÁBHAR

Leathanach 4	Ráiteas Tosaigh ón gCathaoirleach agus ón bPríomhfheidhmeannach
Leathanach 6	Misean agus Luachanna
Leathanach 7	Bord an Údaráis
Leathanach 7	An Fhoireann Ardbhainistíochta
Leathanach 8	Rialachas Corparáideach
Leathanach 11	An Plean Straitéiseach, 2019 go 2021
Leathanach 12	An Dul Chun Cinn a Rinneadh ar ár Spriocanna
Leathanach 23	Ár Ráitis Airgeadais
Leathanach 44	Deimhniú Iniúchóireachta an Ard-Reachtair Cuntas agus Ciste, 2021
Leathanach 47	Aguisíní
Leathanach 51	Teagmháil



Ráiteas tosaigh

ó Richard O'Farrell, an Cathaoirleach
agus ó Paul Scallan, an Príomhfheidhmeannach

Tá áthas orainn an Tuarascáil Bhliantúil ón Údarás Slándála Príobháidí don bhliain 2021, a bhí ar an mbliain deiridh den cheathrú Bord de chuid an Údaráis, a chur i láthair. Áiríodh le héachtaí an Bhoird a bhí ag dul amach as oifig ceadúnú a leathnú chuig fostaithe de lárionaid faireacháin, caighdeán nua a fhorbairt ar fud roinnt earnálacha, agus dlús a chur leis an méid a bhaineann an tÚdarás úsáid as an teicneolaíocht. Ba mhaith linn aitheantas a thabhairt do thiomantas chomhaltaí an Bhoird do thionscal slándála na hÉireann a rialáil agus buíochas a ghabháil leo as obair an Údaráis a stiúradh le ceithre bliana anuas.

B'ann fós sa bhliain 2021 do na dálaí gan fasach a tháinig chun cinn sa bhliain 2020, toisc go raibh an ghníomhaíocht sa tionscal slándála á srianadh ag an staid leanúnach sláinte poiblí, faoi mar a bhí amhlaidh i réimsí eile den tsochaí. I mí na Samhna, d'fhoilsíomar na torthaí ar an taighde a rinneamar ar thionchar Covid-19 ar chonraitheoirí slándála. Mar a bheifí ag súil leis, thuairiscigh trí cheathrú de chonraitheoirí gur lú a láimhdeachas sa bhliain 2021 ná mar a bhí sé roimh theacht phaindéim Covid-19. Mar thoradh air sin, bhí conraitheoir amháin as gach 12 chonraitheoir den tuairim go raibh a ngnó i mbaoil, agus 6% eile i mórbaol na dócmhainneachta. Bhí 1% díobh dócmhainneach agus scoir 1% eile den trádáil go buan. Bainfear tairbhe as an taighde sin de réir mar a ullmhaímid ár bPlean Straitéiseach le haghaidh na gcéad cheithre bliana eile.

Sa bhliain 2021, leathnaíodh ceadúnú chuig gardaí forfheidhmiúcháin leis an Acht um Sheirbhísí Slándála Príobháidí (Leasú), 2021. Bhunaigh an tÚdarás meitheal chun na ceanglais cheadúnúcháin ar ghardaí forfheidhmiúcháin a fhorbairt agus, i mí na Nollag, seoladh comhairliúchán poiblí ar na ceanglais ar chonraitheoirí. Leanadh lenár gcuid oibre ar son feabhas a chur ar rialáil ar fud an tionscail slándála trí PSA 67:2021 a fhoilsiú, ar caighdeán nua le haghaidh na hearnála rialaithe rochtana é, agus trí fheabhas a chur ar an bhformhaoirseacht ar na comhlachtaí a iniúchann ár gcaighdeán.

Cé go rabhamar chomh tiomanta céanna do na caighdeáin rialála is airde a chomhlíonadh, bhí srian ann le roinnt gníomhaíochtaí, go háirithe ár n-obair comhlíonta agus ár dteagmháil le geallsealbhóirí tionscail maidir le nithe rialála. Táimid ag súil leis an mbliain 2022 agus táimid dóchasach go mbeifear in ann an-chuid den obair a iarchuireadh sa bhliain 2021 a thabhairt chun críche. Tá dea-dhul chun cinn déanta cheana féin ar phleananna le haghaidh pearsanra slándála imeachtaí agus imscrúdaitheora phríobháidigh a cheadúnú.

Mar fhocal scoir, ba mhaith linn buíochas a ghabháil leis an Aire Dlí agus Cirt agus lena Roinn, leis an nGarda Síochána agus le gach duine a thacaigh lenár n-obair rialála sa bhliain 2021. Ba mhaith linn buíochas ar leith a ghabháil lenár mbaill foirne, a thaispeáin an athuair go bhfuil siad tiomanta dár spriocanna agus a d'oibrigh go dícheallach chun iad a bhaint amach. Cosúil lena lán eagraíochtaí, ba dhúshlánach dár mbaill foirne a bhí an dá bhliain seo atá imithe thart. De bharr a gcuid tiomantais agus dúthrachta, áfach, chinntigh siad go leanfaimis le seirbhís ghairmiúil rialála a sholáthar.



Richard O'Farrell



Paul Scallan

Sracfhéachaint ar an mBliain 2021

Earnáil	Daoine Aonair	Conraitheoirí	Láimhdeachas (€)
Maoirseoirí Dorais (Slándáil Imeachtaí)	N/B	34	1,125,364
Maoirseoirí Dorais (Áitribh Cheadúnaithe)	11,425	47	9,990,257
Glasadóirí	N/B	226	20,891,026
Imscrúdaitheoirí Príobháideacha	N/B	100	7,445,326
Gardaí Slándála (Faireachán ar Alárim)*	651	37	56,440,492
Gardaí Slándála (Faireachán ar TCI)	N/B	34	23,236,596
Gardaí Slándála (Slándáil Imeachtaí)	N/B	49	3,275,356
Gardaí Slándála (Socair)	27,559	185	432,400,693
An Earnáil Slándála Leictreonaí	N/B	1,059	277,936,691
Airgead Tirim faoi Bhealach	1085	4	69,837,640
Iomlán **	40,720	1,775	902,579,441***

* San fhiigiúr do dhaoine aonair, cuirtear Faireachán ar Aláram agus Faireachán ar TCI ar áireamh toisc go gclúdaítear an dá chatagóir leis an aon cheadúnas amháin.

** Is mó an líon ceadúnas a eisíodh ná an líon daoine aonair agus conraitheoirí atá ceadúnaithe toisc go bhfuil ceadúnais i níos mó ná earnáil amháin ag roinnt sealbhóirí ceadúnais

*** Tá láimhdeachas bunaithe ar fhiigiúirí a sholáthair conraitheoirí in éineacht leis an iarratas uathu agus baineann sé lena dtréimhse chuntasaíochta roimhe.

Misean agus Luachanna

Ar mhaithe leis an sainordú atá againn an pobal a chosaint agus caighdeán a fheabhsú laistigh den tionscal slándála príobháidí, táimid tiomanta don mhisean agus do na luachanna seo a leanas.

Is é atá i gceist **lenár Misean** ná gníomhaíochtaí na ndaoine a oibríonn sa tionscal slándála príobháidí a rialáil chun a chinntiú go ndéanfar leasanna tomhaltóirí a chosaint ina n-iomláine trí chaighdeán chuí a bhunú agus a chur chun cinn agus trí fhaireachán agus forfheidhmiú a dhéanamh ar na caighdeáin sin.

Is é i gceist **lenár bhFís** fós ná go gcosnófar leasanna tomhaltóirí le tionscal atá rialáilte agus a bhfuil ardchaighdeán feidhmíochta agus saineolais ar bun aige. Cloífead leis an bhfís sin trí fhaireachán leanúnach a dhéanamh ar gach soláthraí ceadúnaithe agus trí ghníomh spriocdhírthe a dhéanamh in aghaidh daoine a sháraíonn na caighdeáin atá i bhfeidhm. Tá sé mar aidhm againn tionscal a bheith againn;

- Ina mbunathraítear an tionscal chun feabhais a bhuí leis an bhforfheidhmiú láidir a dhéantar ann.
- Ina bhfuil leibhéil fheabhsaithe Oiliúna agus Oideachais.
- Ina laghdaítear an choiriúlacht.
- Ina gcuirtear ceadúnú i bhfeidhm ina iomláine sna réimsí sin nach bhfuil ceadúnaithe go fóill.

agus tá sé mar aidhm againn Údarás Slándála Príobháidí a bheith againn;

- A bhfuil dóthain acmhainní aige chun seirbhísí a sholáthar.
- A sholáthraíonn seirbhísí ar bhealach níos fearr.

Áirítear na nithe seo **lenár luachanna**, a gcloífidimid leo le linn dúinn ár ngnó a dhéanamh:

- Obair i gcomhpháirt lenár dTionscal agus le geallsealbhóirí ábhartha eile chun creat rialála a fhorbairt a rachaidh chun tairbhe do shealbhóirí ceadúnais agus don phobal i gcoitinne.
- Sársheirbhís do chustaiméirí a chur ar fáil do shealbhóirí reatha ceadúnais, d'iarraitasóirí nua ar cheadúnas agus do thomhaltóirí de chuid seirbhísí slándála príobháidí.
- Costais a laghdú.
- Ár ngnó a sheoladh ar bhealach trédhearcach, cothrom agus comhréireach.
- A bheith inár bhfostóir eiseamláireach trí thimpeallacht a chruthú ina mbeidh acmhainní leordhóthanacha ag ár mbaill foirne agus ina bhforbróidh siad na scileanna a theastaíonn uathu chun feidhmiú de réir a lánchumais agus a lánacmhainne.
- Dlúthchaidreamh oibre a chothabháil le comhlachtaí/eagraíochtaí eile a dtéann sainchúram an Údaráis i bhfeidhm go díreach ar a gcuid gnó nó oibre.
- Timpeallacht níos sábháilte a sholáthar don phobal i gcoitinne trína chinntiú go gcuirtear deireadh leis an acmhainneacht atá ann tabhairt faoin gcoiriúlacht laistigh dár dtionscal.

Bord an Údaráis

Noel Lappin	Cathaoirleach
Padraic Cafferty	Ionadaí d'Fhostóirí
Alan Durnan	Ionadaí d'Fhostóirí
John Garry	Ionadaí don Aire Dlí agus Cirt
Sean Heading	Ionadaí d'Fhostaithe
Geraldine Kelly	Ionadaí Dlíthiúil
Eilish McCormack	Ionadaí do Bhaill Foirne an Údaráis Slándála Príobháidí
An Coimisinéir Cúnta John O'Driscoll	Ionadaí don Gharda Síochána
Richard O'Farrell	Ceapaí Lánroghnach Neamhshainithe
David Smith	Ionadaí don Aire Oideachais agus Scileanna
Christy Waters	Ionadaí d'Fhostaithe

An Fhoireann Ardbhainistíochta

Paul Scallan	Príomhfheidhmeannach
Peter O'Dwyer	Príomh-Chigire
Lisa Kelly	Ceann um Cheadúnú
Siobhan Cleary	Ceann um Cháilíochtaí agus Caighdeáin
Joe Duggan	Ceann Gnóthaí Corparáideacha

Rialachas Corparáideach

Tá Bord, Príomhfheidhmeannach agus foireann an Údaráis tiomanta do ghníomhú de réir an dea-chleachtais chorparáidigh i gcónaí. Seolaimid ár ngnó ar dhóigh eiticiúil thrédhearcach ar aon dul lenár bhfreagrachtaí reachtúla. Tá Rialachas Corparáideach laistigh den Údarás bunaithe orthu seo a leanas:

- An Cód Cleachtais chun Comhlachtaí Stáit a Rialú.
- Na hAchtanna um Sheirbhísí Slándála Príobháidí.
- An Cód Iompair do Chomhaltaí Boird ó Bhord an Údaráis.
- Nósanna Imeachta Airgeadais Phoiblí/Nósanna Imeachta Soláthair Phoiblí.
- An Comhaontú Formhaoirseachta idir an Roinn Dlí agus Cirt agus an tÚdarás.

Mar chomhlacht poiblí agus mar ghníomhaireacht de chuid na Roinne Dlí agus Cirt, comhlíonaimid gach treoir ilghnéitheach eile ar nithe rialachais chorparáidigh arna n-eisiúint ag an Roinn thar ceann na Roinne Caiteachais Phoiblí agus Athchóirithe nó thar ceann Ranna Rialtais eile ó am go chéile. Ar an mbealach sin, cinntimid go bhfuil struchtúir agus próisis chuí i bhfeidhm chun an leibhéal is airde rialachais chorparáidigh a choinneáil ar bun. Gach bliain, déanann an Bord athbhreithniú bliantúil ar an gcóras rialaithe inmheánaigh atá i bhfeidhm san Údarás.

Tá an Bord freagrach as treo straitéiseach an Údaráis, agus tá an Príomhfheidhmeannach cuntasach faoi chomhlíonadh chuspóirí straitéiseacha an Bhoird. Soláthraíonn an Príomhfheidhmeannach raon doiciméad éagsúil don Bhord ag gach cruinniú Boird, lena n-áirítear tuarascáil bainistíochta riosca, ráiteas airgeadais, an t-eolas is deireanaí ar an dul chun cinn ar an bPlean Straitéiseach agus ar an bPlean Gnó agus ar a gcur chun feidhme, agus tuarascáil ar chur chun feidhme na mbreitheanna ón mBord.

Déanann Coiste Iniúcháireachta agus Riosca de chuid an Bhoird athbhreithniú agus measúnú ar phróisis airgeadais agus rialachais laistigh den Údarás. Cuirtear dhá chruinniú rialachais ar a laghad ar siúl leis an Roinn Dlí agus Cirt gach bliain. Tá an tÚdarás faoi réir iniúchadh bliantúil ag an Aonad Iniúcháireachta Inmheánaí sa Roinn Dlí agus Cirt agus ag an Ard-Reachtair Cuntas agus Ciste freisin. Faigheann an Príomhfheidhmeannach tacaíocht ó Fhoireann Iniúcháireachta an Údaráis chomh maith.

Tá nósanna imeachta i bhfeidhm chun a chinntiú go gcomhlíonann na comhaltaí den Bhord agus baill foirne a shealbhaíonn poist ainmnithe san Údarás forálacha an Achta um Eitic in Oifigí Poiblí agus forálacha an Achta um Chaighdeán in Oifigí Poiblí. Tugaimid spreagadh d'aon chomhaltaí den Bhord, d'aon bhaill foirne agus d'aon daoine eile a bhfuil ábhair imní acu faoin dóigh a gcuirimid ár gcuid gnó i gcrích leas a bhaint as na rialacháin maidir le nochtadh cosanta agus as na rialacháin maidir le calaois a chomhrac, de réir mar is cuí.

Tháinig téarma Bhord an Údaráis chun deiridh i mí na Samhna 2021 agus níor ceapadh Bord nua don Údarás faoi dheireadh na bliana. Tháinig an Bord a bhí ag dul amach as oifig le chéile sé huaire sa bhliain 2021. Achoimrítear an freastal ar na cruinnithe sin sa tábla thíos:

AINM	25/01/21	29/03/21	31/05/21	26/07/21	27/09/21	01/11/21
Noel Lappin**	✓	✓	✓	✓	✓	✓
Padraic Cafferty ***	✓	✓	✓	x	✓	✓
Alan Durnan* ** ***	✓	✓	✓	✓	✓	✓
John Garry*	✓	✓	✓	✓	✓	✓
Sean Heading ***	✓	✓	✓	✓	✓	✓
Geraldine Kelly*	✓	✓	✓	✓	✓	✓
Eilish McCormack	✓	✓	✓	✓	✓	✓
An Coimisinéir Cúnta John O'Driscoll	✓	✓	✓	✓	✓	✓
Richard O'Farrell* ** ***	✓	✓	✓	✓	✓	✓
David Smith	✓	✓	✓	✓	✓	✓
Christy Waters ***	✓	✓	✓	✓	✓	✓

* Comhaltaí den Choiste Iniúchóireachta agus Riosca.

** Comhaltaí den Choiste Acmhainní/Straitéise.

*** Comhaltaí den Choiste Deimhniúcháin.

Tháinig an Coiste Iniúchóireachta agus Riosca a bhí ag dul amach as oifig le chéile ceithre huaire sa bhliain 2021. Áiríodh na nithe seo a leanas le gníomhaíochtaí an choiste, ach gan a bheith teoranta dóibh:

- Bualadh le hOifig an Ard-Reachtair Cuntas agus Ciste agus le hAonad Iniúchóireachta Inmheánaí na Roinne Dlí agus Cirt.
- Bualadh leis an gCuntasóir Conraithe don Údarás.
- Athbhreithniú a dhéanamh ar an Tuarascáil Iniúchóireachta Inmheánaí ón Roinn Dlí agus Cirt don bhliain 2020 agus ar an Tuarascáil ón Ard-Reachtair Cuntas agus Ciste don bhliain 2020.
- Na Ráitis Airgeadais don bhliain 2020 a athbhreithniú.
- Na Ráitis Dearbhaithe don bhliain 2020 a athbhreithniú.
- An Córas Rialaithe Inmheánaigh agus an Ráiteas faoi Rialú Inmheánach don bhliain 2020 a athbhreithniú.
- Clár Rioscaí agus Plean Gníomhaíochta Rioscaí an Údaráis a athbhreithniú.

Tháinig an Coiste Deimhniúcháin le chéile dhá uair sa bhliain 2021 chun scrúdú a dhéanamh ar an tsamhail deimhniúcháin a úsáidtear le haghaidh ceadúnú conraitheoirí. Mhol an Coiste go gcuirfí ár gcaidreamh le comhlachtaí deimhniúcháin ar bhonn níos foirmiúla agus, mar thoradh air sin, eisíodh tairiscint le haghaidh seirbhísí iniúchóireachta i mí Iúil.

Níor tháinig an Coiste Acmhainní/Straitéise le chéile sa bhliain 2021 toisc gur ag cruinnithe an Bhoird a breithníodh na saincheistanna uile a bhí le breithniú.

Sracfhéachaint ar an mBliain 2021

Bhí **1,447**
gConraitheoir Ceadúnaithe
Ag Deireadh na Bliana
(2020: 1,434)

Bhí **32,439**
nDuine Aonair Ceadúnaithe
Ag Deireadh na Bliana
(2020: 31,104)

Cúlghaireadh **164**
Cheadúnas
(2020: 31)

Foilsíodh Caighdeán
Nua le haghaidh Rialú
Rochtana

€2,638,738
Ioncam ó Tháillí
(2020: €2,746,886)

Seoladh **870**
Cás Forfheidhmiúcháin
(2020: 687)

Próiseáladh **10,498**
nIarratas
(2020: 12,062)

52
Bhall Foirne
(2020: 52)

An Plean Straitéiseach, 2019 go 2021

Maidir leis an gceathrú Plean Straitéiseach uainn, rud a d'úsáid an tÚdarás mar threoir ón mbliain 2019 go dtí an bhliain 2021, tháinig sé chun deiridh ag deireadh na bliana. Ba é fócas an Phlean ná ár sainordú ceadúnúcháin a chomhlíonadh, feabhas a chur ar leibhéal ghairmiúlachta inár dtionscal, cosaint a thabhairt do thomhaltóirí agus don phobal agus ár gcaidreamh lenár sealbhóirí ceadúnais a chothú.

Leis an bPlean Gnó uainn don bhliain 2021, soláthraíodh an sásra le haghaidh ár gcuspóirí straitéiseacha agus ár spriocanna straitéiseacha a bhaint amach.

Is iad seo a leanas na príomhspriocanna atá leagtha amach sa Phlean Straitéiseach:

Sprioc 1: Rialáil an Tionscail Slándála Príobháidí a chur i gcrích.

Sprioc 2: A chinntiú go gcomhlíonann ár dtionscal na rialacháin cheadúnúcháin.

Sprioc 3: Caighdeáin agus cáilíochtaí a ardú inár dtionscal.

Sprioc 4: Tairbhí ár dtionscail a chur chun cinn.

Sprioc 5: Tacú lenár bhfoireann agus feabhas a chur ar ár n-eagraíocht.



Sracfhéachaint ar an mBliain 2021

Sprioc 1:	Reachtaíocht a rith lena leathnófaí rialáil chuig gardaí forfheidhmiúcháin
Sprioc 2:	Fostaithe a ionchúiseamh as obair gan cheadúnas
Sprioc 3:	Samhail deimhniúcháin nua a fhorbairt chun tacú le rialáil
Sprioc 4:	Suíomh Gréasáin nua an Údaráis a sheoladh
Sprioc 5:	Infheistiú sa Chianobair agus i bhFolláine Foirne

An Dul Chun Cinn a Rinneadh ar ár Spriocanna

Sprioc 1:

Rialáil an Tionscail Slándála Príobháidí a chur i gcrích.

I láthair na huaire, ceadúnaímid conraitheoirí ar fud 12 earnáil agus ceadúnaímid fostaithe ar fud ceithre earnáil. Cuireadh pleananna le haghaidh ceadúnú a leathnú chuig fostaithe san earnáil Slándála Imeachtaí ar an méar fhada i mí an Mhárta 2020 agus d'fhan an scéal sin gan athrú ar fud na bliana 2021. Táimid dóchasach go gceadúnófar an earnáil sa dara leath den bhliain 2022.

Leathnaíodh ceadúnú chuig gardaí forfheidhmiúcháin leis an Acht um Sheirbhísí Slándála Príobháidí (Leasú), 2021, agus tá tús curtha le hobair ar an earnáil sin a cheadúnú. Cuirfear tús sa bhliain 2022 le gardaí forfheidhmiúcháin a cheadúnú.

Ceadúnú Gnólachtaí


D'ainneoin thionchar leantach na dianghlasála ar an tionscal slándála agus ar an ngeilleagar i gcoitinne, bhí méadú ann sa líon conraitheoirí a ceadúnaíodh agus sa líon ceadúnas earnála i gcúrsaíocht araon. Bhí 1,447 gconraitheoir ceadúnaithe ag deireadh mhí na Nollag, rud a bhí cothrom le méadú 13 chonraitheoir ar an líon a bhí ceadúnaithe ag deireadh na bliana 2020. Ag deireadh na bliana 2019, b'ionann an figiúr sin agus 1,403 chonraitheoir. Tugann sé sin le fios gur tháinig méadú 3% chun cinn thar dhá bhliain na paidéime.

Léirítear sa tábla thíos go raibh méadú de 15 cheadúnas ann sa líon ceadúnas earnála. Is féidir an difríocht idir an líon ceadúnas a bhí i gcúrsaíocht agus an líon conraitheoirí a bhí ceadúnaithe a chur síos do cheadúnais a bheith ag conraitheoirí in earnálacha éagsúla.

	2018	2019	2020	2021
Maoirseoirí Dorais (Slándáil Imeachtaí)	39	38	36	34
Maoirseoirí Dorais (Áitribh Cheadúnaithe)	52	48	48	47
Glasadóirí	187	220	224	226
IMSCRÚDAITHEOIRÍ PRÍOBHÁIDEACHA	115	108	107	100
Gardaí Slándála (Faireachán ar Aláirí)	34	34	36	37
Gardaí Slándála (Faireachán ar TCI)	28	29	31	34
Gardaí Slándála (Slándáil Imeachtaí)	46	47	49	49
Gardaí Slándála (Socair)	190	184	184	185
Suiteálaithe Slándála Leictreonaí	973	1,017	1,041	1,059
Airgead Tirim faoi Bhealach	5	4	4	4
IOMLÁN	1,669	1,729	1,760	1,775

Tábla 1: Comparáid idir an Líon Ceadúnas a Eisíodh le haghaidh gach Earnála idir an bhliain 2018 agus an bhliain 2021

Is sna hearnálacha Slándála Leictreonaí a oibríonn 61% de na conraitheoirí uile, rud a chuimsíonn Rialú Rochtana, TCI agus Aláraim Ionraidh. Is iad Glasadóirí an dara grúpa is mó (13%). Agus iad freagrach as 10% de na ceadúnais uile, is iad Gardaí Slándála (Socair) an chéad ghrúpa is mó eile.



Fíor 1: Forbheathnú ar Cheadúnais Conraitheoirí de réir Earnála sa bhliain 2021

Bhí an líon athnuachaintí fós láidir, agus ceadúnas á athnuachan ag 92% de na conraitheoirí a raibh an méid sin le déanamh acu. Luamar i dtuarascáil na bliana seo caite go bhfuil ag éirí lenár socruithe tráthchoda maidir le cabhrú le conraitheoirí a gceadúnas a athnuachan. Ní raibh aon athrú ann sa líon conraitheoirí a bhí chun deiridh lena dtráthchodanna, agus é cothrom le deichniúr. Bainistíonn ár bhfoireann ceadúnúcháin na cásanna sin go réamhghníomhach. Chúlghaireamar an ceadúnas a bhí ag conraitheoir amháin nár chloígh lena chomhaontuithe tráthchoda linn.

Fuarthas 882 iarratas ar cheadúnas conraitheoirí sa bhliain, rud a bhí cothrom le méadú 199 n-iarratas ar na 683 cinn a fuarthas sa bhliain 2020. Is féidir an méadú a chur síos don timthriall ceadúnais dhá bhliain, agus líon níos airde ceadúnas le hathnuachan i mblianta lena ngabhann corruimhreacha. Ba ó iarratasóirí céaduaire ar cheadúnas a fuarthas 129 gcinn de na hiarratais, 13 cinn níos mó ná mar a fuarthas sa bhliain 2020. Fuarthas 16 iarratas eile ar earnáil/earnálacha a chur le ceadúnas a bhí ann cheana. Bhain a bhformhór leis an Earnáil Slándála Leictreonaí.

Athnuachaintí Ceadúnais

De na 810 gconraitheoir a raibh a gceadúnas le hathnuachan acu le linn na bliana, rinne 749 nduine amhlaidh faoi dheireadh na bliana. Tháinig méadú beag ar an ráta neamh-athnuachana, ó 7% sa bhliain 2020 go 8% sa bhliain 2021.

Iarratais ar Diúltaíodh Dóibh

Diúltaíodh do thrí cinn de na 882 iarratas a fuarthas le linn na bliana mar iarratais neamhbhailí. Dhiúltaíomar do cheithre iarratas toisc gur mhainnigh an conraitheoir na ceanglais cheadúnúcháin a chomhlíonadh. Níor taisceadh aon achomhairc conraitheoirí leis an mBord Achomhairc um Shlándáil Phríobháideach sa bhliain 2021.

Tharraing 28 gconraitheoir an t-iarratas uathu siar sular thug an tÚdarás cinneadh deiridh orthu. Déanann conraitheoirí é sin chun go mbeidh siad in ann aisíocaíocht na táille ceadúnais a fháil sula n-eiseofar breith diúltaithe. Déanann líon suntasach díobh an t-iarratas uathu a ataisceadh a luaithe a bheidh na nithe amuigh réitithe acu.

Ceadúnais Shealadacha

Eisítear ceadúnais shealadacha chuig conraitheoirí nua sna réimsí TCI agus Aláram Ionraidh den earnáil Slándála Leictreonaí ionas gur féidir le conraitheoirí córais a shuiteáil ar mhaithe leis na caighdeáin a cheanglaítear chun críocha ceadúnúcháin a ghnóthú. Bhí 55 cheadúnas shealadacha i gcúrsaíocht ag deireadh na bliana. B'ionann é sin agus méadú ceithre cheadúnas ar an líon a bhí i gcúrsaíocht ag deireadh na bliana roimhe sin.

Leathnófar ceadúnais shealadacha chuig an earnáil Rialaithe Rochtana sa bhliain 2022.


Táillí Ceadúnais

Fuarthas €1,583,980 ó tháillí ceadúnais conraitheoirí sa bhliain 2021, i gcomparáid le €1,353,548 sa bhliain 2020 agus le €1,429,237 sa bhliain 2019 (arb í an bhliain inchomparáide sa timthriall ceadúnais dhá bhliain í).

Bliain	Láimhdeachas
2018	€751,123,050
2019	€781,555,000
2020	€858,923,000
2021	€902,579,000

Tábla 2: An Láimhdeachas Conraitheoirí a Taifeadadh in Iarratais ar Cheadúnais idir an bhliain 2018 agus an bhliain 2021

Léirítear i **dTábla 2** thuas fás leanúnach an tionscail slándála, agus méadú 5% tagtha ar an láimhdeachas do chonraitheoirí ceadúnaithe i gcomparáid leis an mbliain 2020. Cé gur treocht aníos í an treocht fhoriomlán, d'fheidhmigh roinnt earnálacha níos fearr ná earnálacha eile. Bhí méaduithe láidre i láimhdeachas le feiceáil san earnáil Faireacháin ar TCI agus san earnáil Faireacháin ar Aláraim araon, agus bhí an treocht aníos sin le sonrú san earnáil Gardaí Slándála (Socair) agus sa chohórt Slándála Leictreonaí freisin. I gcodarsnacht leis sin, áfach, agus rud nach iontas é mar thoradh ar an bpaindéim leanúnach, chonacthas laghdú géar san earnáil Imscrúdaitheoirí Príobháideacha agus sna hearnálacha Slándála Imeachtaí agus Maoirseoirí Dorais. Rinne srianta na paindéime difear diúltach do ghlasadóirí freisin, agus níor tháinig ach athrú measartha beag ar an láimhdeachas san earnáil Airgid Thirim faoi Bhealach.



Fíor 2: Forbhreathnú ar Láimhdeachas Conraitheoirí de réir Earnála sa bhliain 2021

I gcomparáid le Fíor 1 ar leathanach 14, is díol suntais go bhfuil an Earnáil Slándála Leictreonaí freagrach as 31% de láimhdeachas an tionscail, cé gurb inti atá 61% de shealbhóirí ceadúnais. I gcodarsnacht leis sin, tá an earnáil Gardaí Slándála (Socair) freagrach as 10% de shealbhóirí ceadúnais agus as 48% de láimhdeachas an tionscail.



Ceadúnú Fostaithe

Bhí méadú beag ann sa líon ceadúnas sa bhliain 2021 i gcomparáid leis an mbliain 2020. Bhí 32,439 sealbhóir ceadúnais daoine aonair ann ag deireadh mhí na Nollag, rud a bhí cothrom le méadú 1,335 cheadúnas agus a bhí ar aon dul leis an bhfigiúr sa bhliain 2019, arbh ionann é agus 32,458 gceadúnas. Tháinig méadú beag ar an líon ceadúnas earnála, ó 40,134 cinn go 40,720 ceann.

	2018	2019	2020	2021
Maoirseoirí Dorais (Áitribh Cheadúnaithe)	14,231	13,759	11,966	11,425
Gardaí Slándála (Socair)	27,902	26,921	26,390	27,559
Gardaí Slándála (Lárionaid Faireacháin)	351	583	673	651
Airgead Tirim faoi Bhealach	1,227	1,292	1,105	1,085
IOMLÁN	43,711	42,555	40,134	40,720

Tábla 3: Comparáid idir an Líon Ceadúnas a Eisíodh le haghaidh gach Earnála idir an bhliain 2018 agus an bhliain 2021

Ní nach ionadh, is é an earnáil Maoirseoirí Dorais (Áitribh Cheadúnaithe) atá freagrach as an difríocht 1,835 cheadúnas ón líon ceadúnas a eisíodh roimh an bpaindéim, agus an figiúr sin fritháirithe go pointe éigin ag an méadú sa líon ceadúnas Gardaí Slándála (Socair). Níor athnuaigh líon suntasach daoine a bhfuil décheadúnas Maoirseoirí Dorais/Gardaí Slándála acu ach an ceadúnas Gardaí Slándála atá acu, rud a léiríonn tionchar leantach na paidéime ar an earnáil fáilteachais.

Maolú Sealadach ar Oiliúint

Chun freastal ar an éileamh ar sheirbhísí Gardalá Socra sa bhliain 2020 agus chun aird a thabhairt ar an bhfíric nach raibh soláthraithe oiliúna in ann oiliúint ar an láithreán a sholáthar, dheonaigh an tÚdarás maolú 90 lá ar an gceanglas oiliúna le haghaidh ceadúnais nua Gardaí Slándála (Socair). Eisíodh 266 cheadúnas go dtí go gcuirfí oiliúint i gcrích. Comhlíonadh na ceanglais cheadúnúcháin uile eile. Cúlghaireadh 102 cheann (38%) de na ceadúnais sin sa deireadh toisc nár cuireadh an oiliúint i gcrích.

Táillí Ceadúnais

B'ionann luach na dtáillí ceadúnais daoine aonair don bhliain agus €1,185,172, i gcomparáid le €1,393,338 sa bhliain 2020 agus le €1,951,841 sa bhliain 2019. B'ionann na táillí a fuarthas sa bhliain inchomparáide is déanaí sa timthriall ceadúnais trí bliana – is é sin, 2018 – agus €1,124,893. D'ainneoin na paidéime, tá an figiúr sin ar aon dul le figiúirí na bliana seo.

Iarratais ar Cheadúnais

Fuaireamar 9,616 iarratas ar cheadúnais daoine aonair le linn na bliana. Áiríodh leo sin 4,696 athnuachan agus 4,277 n-iarratas chéaduaire. Áiríodh leo freisin 643 iarratas eile (7%) ar diúltaíodh dóibh.

B'ionann iarratais ar diúltaíodh dóibh agus 7% de na hiarratais uile a fuarthas sa bhliain 2021, síos ó 17% sa bhliain 2016. D'áireofaí leis na cúiseanna a ndiúltófaí d'iarratas doiciméid tacaíochta neamhdhóthanacha a sholáthar, gan doiciméid a chomhlánú i gceart agus gan íocaíocht a dhéanamh. Ina lán cásanna, déantar iarratais ar diúltaíodh dóibh a ataisceadh ina dhiaidh sin mar iarratais bhailí.

Diúltuithe agus Achomhairc

Dhiúltaíomar do 62 iarratas sa bhliain 2021, síos ó 98 gcinn sa bhliain 2020. Níor tháinig aon athrú ar na príomhchúiseanna ar diúltaíodh d'iarratais, agus is é atá i gceist leo ná mainneachtain páirt a ghlacadh i bpróiseas Grinnfhiosrúcháin an Gharda Síochána nó nochtadh ciontuithe le linn phróiseas Grinnfhiosrúcháin an Gharda Síochána.

Sa bhliain 2021, rinneadh 3 achomharc chun an Bhoird Achomhairc um Shlándáil Phríobháideach in aghaidh breitheanna uainn. Bhí dhá achomharc eile ón mbliain 2020 fós idir lámha. Faoi dheireadh na bliana, níor thug an Bord Achomhairc breith ar aon achomhairc. Dá bharr sin, tá cúig achomharc idir lámha ag deireadh na bliana 2021.



An Dul Chun Cinn a Rinneadh ar ár Spriocanna

Sprioc 2:

A chinntiú go gcomhlíonann ár dtionscal na rialacháin cheadúnúcháin.


Bhí diantionchar ag an leanúint de shrianta Covid-19 ar ár n-obair forfheidhmiúcháin, agus teorainn ann le gach cigireacht aghaidh ar aghaidh ar fud na bliana 2021. Tríd is tríd, rinne ár gcigirí cigireachtaí cianda ar chonraitheoirí, agus tugadh faoi obair faireachais chun a chinntiú go gcomhlíonfaí na rialacháin cheadúnúcháin.

Fuaireamar 430 tuairisc faisnéise le linn na bliana, suas ó 385 gcinn sa bhliain 2020. Ag teacht sna sála ar mheasúnú a rinne ár bhfoireann comhlíonta, ba ar chúiseanna éagsúla nár imscrúdáíodh 178 gcinn de na cásanna a fuarthas. Ba iad na cúiseanna is coitianta díobh ná nár léir go raibh aon ghníomhaíocht incheadúnaithe ann, nár leor an fhaisnéis a fuarthas nó go raibh an conraitheoir ceadúnaithe cheana féin. I gcás nach n-imscrúdaímid tuairiscí faisnéise, coinnítear an fhaisnéis. Má fhaightear tuilleadh tuairiscí ar an aon ní amháin, athbhreithnímid an fhaisnéis i bhfianaise na faisnéise nua a fuarthas. Bhí an 252 thuairisc faisnéise eile ina gcuid de na 870 cás forfheidhmiúcháin a osclaíodh le linn na bliana.

Cuireadh 789 gcinn de na 870 cás forfheidhmiúcháin sa bhliain 2021 i gcrích faoi dheireadh na bliana. I 611 cheann de na cásanna sin (77%), shainaithníomar bealach éigin nár comhlíonadh na ceanglais cheadúnúcháin ann. Cé go raibh an chuid is mó díobh ina mionsáruihte agus nach ndearnadh aon ghníomh eile tar éis an sárú a réiteach, bhí údar ann le cineál éigin smachtbhanna i 96 chás (16%). Áiríodh leis na gníomhartha sin ceadúnas a chúlghairm nó diúltú d'iaratas ar thaobh amháin den scála agus fógra comhairle a eisiúint ar an taobh eile.

Bhí ionchúiseamh amháin againn, a tháinig chun cinn tar éis dúinn teacht le linn imscrúdaithe ar fhostaí a bhí ag obair mar mhaoirseoir dorais agus é neamhcheadúnaithe ag áitreabh ceadúnaithe i Sligeach. Cuireadh cóip de cheadúnas brionnaithe faoi bhráid an fhostóra. Phléadail an tUasal Thomas Byrne, an fostaí, ciontach agus gearradh fineáil €100 air ar dhá scór, agus costais a bhí cothrom le €2,000 dáfa don Údarás Slándála Príobháidí.





Fíor 3: Forbheathnú ar Chásanna Forfheidhmiúcháin de réir Earnála sa bhliain 2021

Sa bhliain 2020, d'aistríomar ó chomhlachtaí seachtracha deimhniúcháin chuig ár gcigirí féin an fhreagracht as iniúchtaí a dhéanamh ar PSA 31:2019, an caighdeán le haghaidh iontrálaithe nua sna hearnálacha Maoirseoirí Dorais, Slándála Imeachtaí agus Gardála Slándála. Rinne an tÚdarás deich gcigireacht PSA 31 sa bhliain 2021. Le linn na bliana, chuir ár gcigirí tús freisin le hiniúchtaí ar PSA 76:2018, an caighdeán le haghaidh conraitheoirí Airgid Thirim faoi Bhealach. Cuireadh cúig chigireacht ar siúl.

Ceannaitheoirí Slándála

Gné thábhachtach dár n-obair comhlíonta is ea cigireachtaí a dhéanamh orthu sin a cheannaíonn seirbhísí slándála. Sa bhliain 2021, thosaíomar 196 imscrúdú ar cheannaitheoirí slándála chun a chinntiú go raibh ceanglais cheadúnúcháin á gcomhlíonadh. Cé gur aimsíodh go raibh na rialacháin cheadúnúcháin á gcomhlíonadh ag 190 ceannaitheoir (97%), tharla sé sna 6 chás eile gur fhoirceann na ceannaitheoirí an Conradh lena soláthraí agus gur aistrigh siad chuig soláthraí ceadúnaithe.

Comhlíonadh Daoine Aonair

Rinneamar 112 chigireacht neamhfhógartha comhlíonta ar áitribh cheadúnaithe, ar asraonta miondíola agus ar raon gnólachtaí eile ar fud na tíre chun comhlíonadh na gceanglas cheadúnúcháin daoine aonair a chinntiú. Ba é an aidhm a bhí leis na cigireachtaí ná a chinntiú gur ceadúnaithe atá na daoine sin a fhostaítear chun seirbhísí slándála a sholáthar agus go gcomhlíonann siad an ceanglas le suaithentais aitheantais a chaitheamh. Ar na daoine ar thángthas orthu, bhí 99% díobh ceadúnaithe agus aimsíodh go raibh 97% díobh ag caitheamh a suaithentais aitheantais.

Gníomhartha Comhlíonta

Tá againn raon gníomhartha comhlíonta a fhéadfaimid a dhéanamh in aghaidh sealbhóirí ceadúnais a sháraíonn na rialacháin cheadúnúcháin, lena n-áirítear ionchúiseamh, an ceadúnas a chúlghairm nó a chur ar fionraí agus fógra forfheidhmiúcháin a eisiúint.

Mar a bhí luaite cheana féin, ionchúisíodh fostaí neamhcheadúnaithe amháin agus cúlghaireadh an ceadúnas a bhí ag conraitheoir amháin agus ag 151 fhostaí sa bhliain 2021. Cuireadh an ceadúnas a bhí ag deichniúr fostaíthe ar fionraí ar feadh tréimhse agus eisíodh 19 bhfógra forfheidhmiúcháin eile in aghaidh sealbhóirí ceadúnais.

Scrúdaíomar 17 ngearán faoi alt 39 den Acht um Sheirbhísí Slándála Príobháidí le linn na bliana, i dteannta na gcúig cinn a tugadh anonn ón mbliain 2020. Foráiltear le halt 39 do shásra faoina bhféadfaidh duine gearán foirmiúil a dhéanamh in aghaidh sealbhóir ceadúnais. Ní dheachaigh an gearánach ar aghaidh leis an gcás i dtrí chás, seasadh leis an ngearán in dhá chás agus níor sheas an tÚdarás leis an ngearán i 14 chás. Bhí trí chás á bhfiosrú fós ag deireadh na bliana.

Gníomh	2019	2020	2021
Comhairle	1	1	0
Faichill	5	8	4
Rabhadh	30	13	14
Iomardú	3	6	1
Fionraí	2	6	10
Cúlghairm	25	31	152
Ionchúiseamh	2	1	1

Tábla 4: Achoimre ar Ghníomhartha Forfheidhmiúcháin a rinneadh sa bhliain 2021



An Dul Chun Cinn a Rinneadh ar ár Spriocanna

Sprioc 3:

Caighdeáin agus cáilíochtaí a ardú inár dtionscal.

Cuid ríthábhachtach dár n-obair is ea na caighdeáin agus na cáilíochtaí atá le comhlíonadh ag iarratasóirí ar cheadúnais agus ag sealbhóirí ceadúnais a fhorordú. Bunspríoc thábhachtach ba ea caighdeán teicniúil nua a fhoilsiú le haghaidh conraitheoirí a oibríonn san earnáil rialaithe rochtana (PSA 67:2021). Ag teacht sna sála ar achtú an Achta um Sheirbhísí Slándála Príobháidí (Leasú), 2021, rud lenar leathnaíodh rialáil chuig gardaí forfheidhmiúcháin, bunaíodh meitheal chun na ceanglais cheadúnúcháin don earnáil a fhorbairt. I mí na Nollag, thugamar faoi chomhairliúchán poiblí ar an gcaighdeán le haghaidh conraitheoirí gardaí forfheidhmiúcháin a cheadúnú.

Leanadh sa bhliain leis an obair ar na ceanglais oiliúna ar ghlasadóirí agus ar imscrúdaitheoirí príobháideacha araon. D'eisíomar doiciméad tairisceana chuig soláthraithe oiliúna chun dearadh agus forbairt a dhéanamh ar chúrsa oiliúna a bheadh bunaithe ar cheanglais oiliúna an Údaráis (PSA 83:2021) ar dhaoine aonair a oibríonn san earnáil imscrúdaitheoirí príobháideacha. Is é an aidhm atá leis ná ceadúnú fostaithe a thabhairt isteach san earnáil le linn na bliana 2022.

Ó thaobh conraitheoirí de, chuireamar tús an athuir leis an obair ar chaighdeáin le haghaidh sainchomhairleoirí slándála, soláthraithe taisceadán agus suiteálaithe taisceadán a cheadúnú. Táimid ag súil leis go bhfógróimid sa dara leath den bhliain 2022 amscála le haghaidh an dá earnáil a cheadúnú. Thugamar freisin faoi roinnt réamhoibre ar chaighdeáin le haghaidh suiteálaithe geataí cumhachtaithe agus le haghaidh láimhseálaithe madraí slándála.

Leanadh le cúrsaí oiliúna ar líne a sholáthar le haghaidh na n-earnálacha maoirseoirí dorais agus gardála slándála toisc gur cuireadh moill ar an bhfilleadh ar oiliúint atá lonnaithe sa seomra ranga de dheasca shrianta Covid-19. Mar gheall ar na srianta, d'fhógraíomar go n-iarchuirfí go deireadh na bliana 2022 dáta tosaithe na gcúrsaí nua maoirseoirí dorais agus scileanna slándála. Tabharfaidh sé sin am do sholáthraithe oiliúna chun na próisis bhailíochtaithe le Dearbhú Cáilíochta agus Cáilíochtaí Éireann a chur i gcrích.

Bhuaileamar leis na comhlachtaí deimhniúcháin agus na soláthraithe oiliúna roinnt uaireanta sa bhliain. Is é an toradh atá ar na cruinnithe sin ná go gcinntítear go dtacaíonn soláthraithe le misean rialála an Údaráis, agus is fóram iad le haghaidh tuairimí ar nithe ceadúnúcháin a phlé agus a mhalartú. Mar chuid den fhaireachán leanúnach a dhéanaimid ar sheirbhísí, rinneamar cigireacht ar cheithre sholáthraí oiliúna le linn na bliana. Chomh maith leis sin, d'eisíomar doiciméad tairisceana le haghaidh seirbhísí iniúchóireachta a sholáthar, rud a thiocfaidh isteach in ionad ár samhla deimhniúcháin reatha. Mar thoradh ar an tseirbhís nua, a gcuirfear tús léi sa bhliain 2022, beidh sé de chumas againn tuilleadh smachta a ghnóthú ar an bpróiseas iniúchóireachta. Leagamar béim i dtuarascálacha bliantúla roimhe seo ar na leibhéil arda neamhchomhréireachta i gcomparáid le caighdeáin fhorordaithe. Is é an toradh a bheidh ar an tsamhail deimhniúcháin nua ná go mbeimid in ann comhlachtaí iniúchóireachta a cheapadh chuig conraitheoirí ar leith agus go rannchuideofar leis na leibhéil arda neamhchomhréireachta a laghdú.

An Dul Chun Cinn a Rinneadh ar ár Spriocanna

Sprioc 4:

Tairbhí ár dtionscail a chur chun cinn.

Leanamar le teagmháil a dhéanamh lenár sealbhóirí ceadúnais, le geallsealbhóirí tionscail, le cliant na ngeallsealbhóirí tionscail agus leis an bpobal i gcoitinne sa bhliain 2021. Reáchtáladar roinnt feachtas faisnéise poiblí ar an raidió, i nuachtáin agus i sainirisí ceirde, ar lena linn a dhíríomar ár n-aird ar réimsí ar shainaithníomar go raibh gá le caidreamh iontu.

Sheolamar ár suíomh Gréasáin nua i mí Aibreáin 2021. Tá aige dearadh, leagan amach, íomhánna agus feidhmiúlacht níos fearr lena gcuirfear ar ár gcumas leathnú isteach sna meáin shóisialta. Ag teacht sna sála ar sheoladh an tsuímh Gréasáin, d'earcaíomar sainchomhairleoir brandála chun comhairle a thabhairt maidir le brandáil agus leis na meáin shóisialta. Forbraíodh straitéis brandála nua lena ndéileáiltear le héifeachtacht an chaiteachais fógraíochta, le héifeachtacht an tsuímh Gréasáin, leis an straitéis meán sóisialta agus le margaíocht ríomhphoist. Bainfidimid leas as an straitéis nua agus muid ag iarraidh feasacht a mhéadú ar na tairbhí a bhaineann le tionscal slándála rialáilte. Cuirfear tús sa bhliain 2022 le hobair ar an straitéis a leabú.

Foilsíodh sé eagrán dár ríomhíris dar teideal “PSA Watch”, inar tugadh faisnéis faoi imeachtaí tábhachtacha, an t-eolas is deireanaí agus fógraí suntasacha tionscail do pháirtithe leasmhara.

Sprioc 5:

Tacú lenár bhfoireann agus feabhas a chur ar ár n-eagraíocht.

Lean ár bhfoireann lena n-athléimneacht a thaispeáint, cé go rabhthas ag déileáil le timpeallacht dhoiligh oibre, agus leanadh leis an gcuid is mó de sheirbhísí a sholáthar gan aon bhriseadh. Aithnímid gurb í ár bhfoireann an láidreacht is mó atá againn, agus táimid tiomanta do thacú lena forbairt agus lena folláine. Sa bhliain 2021, d'infheistíomar i dtionscnaimh folláine fisiciúla agus i dtionscnaimh folláine mothúchánaí araon dár bhfoireann, anuas ar infheistíocht a dhéanamh i dtrealamh oifige agus inár n-áitreabh. Choinníomar líon foirne a bhí cothrom le 52 bhall foirne le linn na bliana, an líon céanna a bhí againn sa bhliain roimhe.

Cosaint Sonraí

Dhéileáil ár nOifigeach Cosanta Sonraí le trí iarraidh ar rochtain d'ábhair sonraí agus le sé shárú sonraí íseal-leibhéil sa bhliain 2021. Ina theannta sin, fuaireamar 10 n-iarraidh ar fhaisnéis faoi alt 41(b) den Acht um Chosaint Sonraí, 2018, lena húsáid chun “cionta coiriúla a chosc, a bhrath nó a imscrúdú nó ciontóirí a ghabháil nó a ionchúiseamh”. I mí na Samhna, rinneadh athbhreithniú seachtrach ar an dóigh a raibh an tÚdarás ag comhlíonadh na reachtaíochta um chosaint sonraí, agus cuirfear moltaí chun feidhme sa bhliain 2022.

D'earcaigh an Bord a bhí ag dul amach as oifig Grant Thornton chun athbhreithniú a dhéanamh ar ár bpróisis ghnó. Maidir leis an athbhreithniú, a bhí ar siúl fós ag deireadh na bliana, breithneoidh an Bord atá ag teacht isteach in oifig é i gcomhthéacs an Phlean Straitéisigh nua uainn agus i gcomhthéacs na riachtanas gnó sa todhchaí.

Ráitis Airgeadais

Don bhliain dar críoch an 31 Nollaig 2021



An tÚdarás Slándála Príobháidí
The Private Security Authority

CLÁR ÁBHAR

Ráiteas Rialachais agus Tuarascáil na gComhaltaí Boird	25
Ráiteas faoi Rialú Inmheánach	32
Ráiteas faoi Ioncam agus Caiteachas agus Cúlchistí Coinnithe Ioncaim	35
Ráiteas faoin Staid Airgeadais	36
Ráiteas faoi Shreabhadh Airgid	37
Nótaí leis na Ráitis Airgeadais	38



RÁITEAS RIALACHAIS AGUS TUARASCÁIL NA gCOMHALTAÍ BOIRD

Cuireadh Bord an Údaráis Slándála Príobháidí ar bun faoin Acht um Sheirbhísí Slándála Príobháidí, 2004. Ceapadh an Bord reatha i mí an Mhárta 2022 ar feadh téarma ceithre bliana. Tá feidhmeanna an Bhoird leagtha amach in alt 8 de na hAchtanna.

Tá an Bord cuntasach don Aire Dlí agus Cirt agus bhí Comhaontú Formhaoirseachta don tréimhse 2020 go 2022 agus Comhaontú Soláthair Feidhmíochta don bhliain 2021 i bhfeidhm aige leis an Roinn Dlí agus Cirt. Sna comhaontuithe sin, sainítear an caidreamh idir an tÚdarás agus an Roinn agus leagtar amach na spriocanna agus na cuspóirí comhaontaithe don bhliain.

Tá an Bord freagrach as dea-rialachas a chinntiú agus comhlíonann sé an cúram sin trí chuspóirí agus spriocanna straitéiseacha a leagan síos agus trí chinntí straitéiseacha a dhéanamh ar gach saincheist thábhachtach ghnó. D'fhoilsigh an Bord an Plean Straitéiseach uaidh don tréimhse 2019 - 2021 i mí na Samhna 2018. Is ar an bPríomhfheidhmeannach agus ar an bhfoireann ardbhainistíochta atá an fhreagracht as an Údarás a bhainistiú, a rialú agus a threorú ar bhonn laethúil. Cloíonn an Príomhfheidhmeannach agus an fhoireann ardbhainistíochta leis an mórthreo straitéiseach a leagann an Bord síos agus cinntíonn siad go bhfuil tuiscint shoiléir ag gach comhalta Boird ar na príomhghníomhaíochtaí agus na príomhchinntí a bhaineann leis an Údarás agus ar aon rioscaí suntasacha ar dóigh dóibh teacht chun cinn. Gníomhaíonn an Príomhfheidhmeannach mar idirghabhálaí díreach idir an Bord agus lucht bainistíochta an Údaráis.

Freagrachtaí an Bhoird

Tá an obair a dhéanann an Bord agus na freagrachtaí atá air leagtha amach sna hAchtanna um Sheirbhísí Slándála Príobháidí. Tá na comhaltaí Boird tiomanta dá chinntiú go ngníomhóidh siad de réir an dea-chleachtais rialachais. I dteannta an Chóid Chleachtais chun Comhlachtaí Stáit a Rialú, ní mór do na comhaltaí Boird cloí leis na nithe seo a leanas freisin;

- Treoirlínte Rialachais Ginearálta,
- An Cód Iompair Gnó,
- Eitic in Oifigí Poiblí,
- An Beartas um Nochtadh Cosanta,
- Na forálacha neamhnócha de na hAchtanna um Sheirbhísí Slándála Príobháidí, 2004 agus 2011.

Áirítear iad seo a leanas leis na buanmhíreanna ar chlár oibre na gcruinnithe Boird:

- Dearbhú Leasanna,
- Miontuairiscí cruinnithe,
- Tuarascálacha coiste,
- Tuarascálacha airgeadais/Cuntais bhainistíochta,
- An Clár Rioscaí,
- An Plean Gnó Bliantúil agus an t-eolas is deireanaí ar an bPlean Straitéiseach.

Ag cruinnithe Boird, tugann an Príomhfheidhmeannach an t-eolas is deireanaí go rialta ar nithe oibriúcháin, ar chur chun feidhme bheartas an Bhoird, ar nithe buiséadacha agus ar aon saincheisteanna ábhartha eile.

Ceanglaítear le halt 4 de Sceideal 1 a ghabhann leis na hAchtanna um Sheirbhísí Slándála Príobháidí ar an bPríomhfheidhmeannach, faoi stiúir ag an mBord, na cuntais go léir is cuí agus is gnách ar an airgead ar fad a fhaigheann sé agus a chaitheann sé a choimeád i cibé foirm a cheadóidh an tAire Dlí agus Cirt le toiliú an Aire Caiteachais Phoiblí agus Athchóirithe.

Tá an Bord freagrach as taifid chuí chuntasaíochta a choinneáil, ina gcuirtear a staid airgeadais in iúl le cruinneas réasúnach ag am ar bith. Tá an Bord freagrach as na ráitis airgeadais a ullmhú agus, le linn dó déanamh amhlaidh, ní mór don Bhord:

- beartais oiriúnacha chuntasaíochta a roghnú agus iad a chur i bhfeidhm go comhsheasmhach,
- breithiúnais agus meastacháin atá réasúnach agus stuama a dhéanamh,
- na ráitis airgeadais a ullmhú ar bhonn an ghnóthais leantaigh ach amháin i gcás go bhfuil sé míchuí talamh slán a dhéanamh de go leanfaidh sé ag feidhmiú, agus
- a lua cé acu a leanadh nó nár leanadh caighdeáin chuntasaíochta is infheidhme, faoi réir aon imeachtaí ábhartha atá mínithe agus nochta sna ráitis airgeadais.

Tá an Bord freagrach as an bplean gnó bliantúil agus an buiséad bliantúil a cheadú. Déantar é sin ag an gcruinniú Boird i mí Eanáir gach bliain.

Cuireadh Meastóireacht Feidhmíochta an Bhoird don bhliain 2021 i gcrích roimh dheireadh théarma an Bhoird a bhí ag dul amach as oifig.

Tá an Bord freagrach freisin as a shócmhainní a chosaint agus, dá bhrí sin, as bearta réasúnacha a dhéanamh chun calaois agus mírialtachtaí eile a chosc agus a aimsiú.

Measann an Bord go léirítear go cuí i ráitis airgeadais an Údaráis feidhmíocht airgeadais agus staid airgeadais an Údaráis ag an 31 Nollaig 2021.

Struchtúr an Bhoird

Rinne an tAire Dlí agus Cirt an Bord a cheapadh an 9 Samhain 2017 agus chuaigh téarma an Bhoird in éag an 11 Samhain 2021. Rinne an tAire an Bord nua a cheapadh an 25 Márta 2022, agus é comhdhéanta de na comhaltaí seo a leanas:

Richard O'Farrell	Cathaoirleach (Athcheaptha)
Una Doyle	Ionadaí don Aire Dlí agus Cirt
Alan Durnan	Ionadaí d'Fhostóirí (Athcheaptha)
Mark Griffin	A ceapadh tar éis comórtas earcaíochta de chuid na Seirbhíse um Cheapacháin Phoiblí.
Sean Heading	Ionadaí d'Fhostaithe (Athcheaptha)
Edward Kenny	A ceapadh tar éis comórtas earcaíochta de chuid na Seirbhíse um Cheapacháin Phoiblí.
David McGuinness	Ionadaí do Bhaill Foirne an Údaráis Slándála Príobháidí
Aideen Neylon	A ceapadh tar éis comórtas earcaíochta de chuid na Seirbhíse um Cheapacháin Phoiblí.
An Coimisinéir Cúnta O. McPartlin	Ionadaí don Gharda Síochána
David Smith	Ionadaí don Aire Oideachais agus Scileanna
Jillian van Turnout	A ceapadh tar éis comórtas earcaíochta de chuid na Seirbhíse um Cheapacháin Phoiblí.

Ba iad seo na comhaltaí den Bhord a bhí ag dul amach as oifig:

Noel Lappin	Cathaoirleach
Padraic Cafferty	Ionadaí d'Fhostóirí
Alan Durnan	Ionadaí d'Fhostóirí
John Garry	Ionadaí don Aire Dlí agus Cirt
Sean Heading	Ionadaí d'Fhostaithe
Geraldine Kelly	Ionadaí Dlíthiúil
Eilish McCormack Príobháidí	Ionadaí do Bhaill Foirne an Údaráis Slándála
An Coimisinéir Cúnta John O'Driscoll	Ionadaí don Gharda Síochána
Richard O'Farrell	Ceapaí Lánroghnach Neamhshainithe
David Smith	Ionadaí don Aire Oideachais agus Scileanna
Christy Waters	Ionadaí d'Fhostaithe

Tháinig an Bord a bhí ag dul amach as oifig le chéile sé huaire sa bhliain 2021. Achoimrítear an freastal ar na cruinnithe sin sa tábla thíos:

AINM	25/01/21	29/03/21	31/05/21	26/07/21	27/09/21	01/11/21
Noel Lappin	✓	✓	✓	✓	✓	✓
Padraic Cafferty	✓	✓	✓	✗	✓	✓
Alan Durnan	✓	✓	✓	✓	✓	✓
John Garry	✓	✓	✓	✓	✓	✓
Sean Heading	✓	✓	✓	✓	✓	✓
Geraldine Kelly	✓	✓	✓	✓	✓	✓
Eilish McCormack	✓	✓	✓	✓	✓	✓
An Coimisinéir John O'Driscoll	✓	✓	✓	✓	✓	✓
Richard O'Farrell	✓	✓	✓	✓	✓	✓
David Smith	✓	✓	✓	✓	✓	✓
Christy Waters	✓	✓	✓	✓	✓	✓

An Coiste Iniúcháireachta agus Riosca

Bhí ag an mBord a bhí ag dul amach as oifig Coiste Iniúcháireachta agus Riosca a tháinig le chéile ceithre huaire sa bhliain 2021 agus, ar ócáid amháin, a bhuail le hIniúcháir Sinsearach ó Oifig an Ard-Reachtair Cuntas agus Ciste (gan Coiste Feidhmiúcháin an Údaráis a bheith i láthair).

Is é ról an Choiste Iniúcháireachta agus Riosca tacú leis an mBord maidir leis na freagrachtaí atá air i ndáil le riosca, le rialú agus rialachas agus le dearbhú gaolmhar. Tá an Coiste Iniúcháireachta agus Riosca neamhspleách ar lucht bainistíochta airgeadais na heagraíochta. Go háirithe, cinntíonn an Coiste Iniúcháireachta agus Riosca go ndéantar faireachán gníomhach neamhspleách ar na córais rialaithe inmheánaigh, lena n-áirítear gníomhaíochtaí iniúcháireachta. Tugann an Coiste Iniúcháireachta agus Riosca tuairisc fhoirmiúil i scríbhinn don Bhord ag gach cruinniú.



TÁILLÍ COMHALTAÍ BOIRD

Íocadh táillí €43,605 le comhaltaí Boird sa bhliain 2021 (2020: €58,140), mar seo a leanas:

AINM	2021	2020
	€	€
Noel Lappin	€8,997.50	€11,970
Padraic Cafferty	€5,771.25	€7,695
Alan Durnan	€5,771.25	€7,695
Sean Heading*	€5,771.25	€7,695
Geraldine Kelly	€5,771.25	€7,695
Richard O'Farrell	€5,771.25	€7,695
Christy Waters	€5,771.25	€7,695
Eilish McCormack	--	--
David Smith	--	--
John Garry	--	--
John O'Driscoll	--	--

* Íoctar táillí an Uasail Heading go díreach le Connect, a fhostóir.

An nochtadh a cheanglaítear leis an gCód Cleachtais chun Comhlachtaí Stáit a Rialú (2016)

Tá an Bord freagrach as a chinntiú go gcomhlíonann an tÚdarás ceanglais an Chóid Chleachtais chun Comhlachtaí Stáit a Rialú ("an Cód") arna fhoilsiú ag an Roinn Caiteachais Phoiblí agus Athchóirithe i mí Lúnasa 2016. Ceanglaítear an nochtadh seo a leanas leis an gCód.



Sochair Ghearrthéarmacha Fostaithe


Miondealú ar Shochair Ghearrthéarmacha Fostaithe ar fiú níos mó ná €60,000 iad Raon na Sochar Fostaithe Iomlán

Ó	Go	2021	2020
€60,000	- €69,999	4	3
€70,000	- €79,999	2	1
€80,000	- €89,999	2	1
€90,000	- €99,999	0	0
€100,000	- €110,000	1	1

	2021	2020
	€	€
Costais Chomhairleachta		
- Seirbhísí comhairleachta	€149,324	€13,501
- Caidreamh poiblí/margaíocht	€215,335	€119,948
- Eile	€14,224	€20,915
Costais Dlí		
- Táillí dlí	€19,501	€22,946
- Comhairle dlí	€12,183	€11,809
Fáilteachas		
- Fáilteachas	€1,582	€3,001
Caiteachas Taistil agus Cothaithe		
- Taisteal Intíre Comhaltaí Boird	Nialas	€227
- Taisteal Idirnáisiúnta Comhaltaí Boird	Nialas	Nialas
- Taisteal Intíre Fostaithe	€47,282	€47,580
- Taisteal Idirnáisiúnta Fostaithe	Nialas	Nialas
Tuarastal/Taisteal agus Cothú an Phríomhfheidhmeannaigh		
- Tuarastal	€105,129	€103,126
- Taisteal/Cothú	€1,048	€1,797

Ráiteas faoi Chomhlíonadh

Ghlac an Bord an Cód Cleachtais chun Comhlachtaí Stáit a Rialú (2016) agus chuir sé nósanna imeachta i bhfeidhm chun an Cód a chomhlíonadh. Leanfaidh an tÚdarás leis an gCód Cleachtais chun Comhlachtaí Stáit a Rialú a ghlacadh agus tabharfaidh sé aird ar aon mhíreanna neamhchomhlíonta a sainaithneoidh na hiniúcháirí faoi seach iad as seo amach.



An tUasal Paul Scallan
Príomhfheidhmeannach:

Dáta: 30 Bealtaine 2022



An tUasal Richard O'Farrell
Cathaoirleach:

Dáta: 30 Bealtaine 2022

RÁITEAS FAOI RIALÚ INMHEÁNACH

Raon Freagrachta

Thar ceann Bhord an Údaráis Slándála Príobháidí (an tÚdarás) agus de réir cheanglais an Chóid Chleachtais chun Comhlachtaí Stáit a Rialú 2016 (an “Cód”), ba mhaith liom a admháil go bhfuil freagracht ar an mBord as a chinntiú go ndéanann an tÚdarás córas éifeachtach rialaithe inmheánaigh a choinneáil ar bun agus a oibriú.

Cuspóir an Chórais Rialaithe Inmheánaigh

Tá an córas rialaithe inmheánaigh deartha chun riosca a choinneáil ar leibhéal inghlactha, seachas deireadh a chur leis. Ní féidir leis, dá bhrí sin, ach dearbhú réasúnach, agus ní dearbhú iomlán, a thabhairt nach dtarlóidh caillteanas nó earráid. Forbraíodh an córas reatha rialuithe thar roinnt mhaith blianta agus cuireadh é faoi athbhreithniú leanúnach ag Bord an Údaráis.

Dul in éag do théarma an Bhoird

Chuaigh téarma Bhord an Údaráis Slándála Príobháidí in éag an 11 Samhain 2021 agus ceapadh Bord nua an 25 Márta 2022. Ní raibh aon Choiste Iniúchóireachta agus Riosca i bhfeidhm ar feadh na tréimhse sin. Ceapadh Coiste Iniúchóireachta agus Riosca nua ag an gcéad chruinniú de chuid an Bhoird nua an 4 Aibreán 2022. Rinne an Coiste Iniúchóireachta agus Riosca an tuarascáil ar an gcóras rialaithe inmheánaigh a bhí i bhfeidhm sa bhliain 2021 a cheadú ag an gcéad chruinniú dá chuid an 16 Bealtaine 2022.

Bainistíocht Riosca

Tháinig Coiste Iniúchóireachta agus Riosca an Bhoird le chéile ceithre huair sa bhliain 2021. Bhí sé comhdhéanta de cheathrar comhaltaí den Bhord, a raibh saineolas airgeadais ag duine amháin díobh agus a raibh duine amháin eile díobh ar an gCathaoirleach. Gníomhaíonn comhalta den Choiste Feidhmiúcháin mar Rúnaí.

Soláthraíonn Aonad Iniúchóireachta Inmheánaí na Roinne Dlí agus Cirt seirbhísí iniúchóireachta inmheánaí don Údarás. Comhaontaítear an clár oibre idir an tAonad, an Coiste Iniúchóireachta agus Riosca agus an Coiste Feidhmiúcháin.

Déanann an Coiste Iniúchóireachta agus Riosca athbhreithniú leanúnach ar an mbeartas bainistíochta riosca agus cuirtear tuarascáil riosca i láthair ag gach cruinniú de chuid an Choiste Iniúchóireachta agus Riosca agus de chuid an Bhoird.

An Creat Riosca agus Rialaithe

Chuir an tÚdarás córas bainistíochta riosca chun feidhme, rud ina sainithnítear agus ina dtuairiscítear na príomhrioscaí atá ann agus na gníomhartha bainistíochta atá á ndéanamh chun dul i ngleic leis na rioscaí sin agus, a mhéid is féidir é, chun na rioscaí sin a mhaolú. Forbraíodh Ráiteas faoi Fhonn Riosca sa bhliain 2020, rud lenar cabhraíodh leis na bearta rialaithe atá i bhfeidhm cheana féin a neartú.

Tá clár rioscaí i bhfeidhm ina leagtar amach na príomhrioscaí atá roimh an Údarás. Rinneadh na rioscaí sin a mheas agus a ghrádú bunaithe ar a shuntasáil atá siad. Bíonn an clár á athbhreithniú agus a athrú chun dáta (ag Coiste Feidhmiúcháin an Údaráis), bíonn sé á bhreithniú ag an gCoiste Iniúchóireachta agus Riosca agus bíonn sé á athbhreithniú ag Cruinnithe Boird an Údaráis. Úsáidtear an toradh ar na measúnuithe sin chun a chinntiú go gcoinnítear rioscaí ar leibhéal inghlactha.

Mionsonraítear sa chlár rioscaí na rialuithe agus na gníomhartha a theastaíonn chun maolú a dhéanamh ar rioscaí agus ar an bhfreagracht a leagtar ar bhainisteoirí sonracha as rialuithe a oibriú. Áirítear na nithe seo a leanas leis an timpeallacht rialaithe:

- taifeadadh nósanna imeachta le haghaidh gach príomhphróisis ghnó,
- sannadh freagrachtaí airgeadais ar leibhéal bainistíochta, agus cuntasacht chomhfhreagrach ag gabháil leo,
- tá córas buiséadaithe cuí i bhfeidhm, rud lena ngabhann buiséad bliantúil a choinnítear faoi athbhreithniú ag an mBord agus ag an lucht ardbhainistíochta,
- tá córais i bhfeidhm a bhfuil mar aidhm leo slándáil na gcóras teicneolaíochta faisnéise agus cumarsáide a chinntiú,
- tá córais i bhfeidhm chun na sócmhainní a chosaint.

Faireachán agus Athbhreithniú Leanúnach

Déanann an lucht ardbhainistíochta faireachán ar gach próiseas rialaithe. Déantar easnaimh rialaithe a thuairisciú agus a phlé ag cruinnithe an lucht bainistíochta. Coinnítear an Bord ar an eolas faoi nithe ábhartha trí thuarascáil an Phríomhfheidhmeannaigh ag gach cruinniú Boird agus tríd an gClár Rioscaí. Tá foireann iniúchóireachta ag an bPríomhfheidhmeannach. Déanann an fhoireann sin seiceálacha tréimhsiúla ar gach gné den ghnó. Deimhnímid go bhfuil na córais faireacháin leanúnaigh seo a leanas i bhfeidhm:

- Sainaithníodh príomhrioscaí agus rialuithe gaolmhara agus cuireadh próisis i bhfeidhm chun faireachán a dhéanamh ar oibriú na bpríomhrialuithe sin agus chun aon easnaimh a thuairisciú,
- Bunaíodh socruithe tuairiscithe ar gach leibhéal mar ar sannadh freagracht as bainistíocht airgeadais, agus
- Déanann an lucht ardbhainistíochta athbhreithnithe rialta ar thuarascálacha tréimhsiúla agus bliantúla feidhmíochta agus airgeadais ina gcuirtear an fheidhmíocht iarbhair i gcomparáid leis an mbuiséad nó leis an bhfeidhmíocht thuartha.

Soláthar

Le linn na bliana 2021, chomhlíon an tÚdarás na rialacha soláthair reatha, cé is moite de chonradh amháin dar luach €23,735 a fadaíodh thar dháta éaga an chonartha bunaidh gan próiseas iomaíoch nua a reáchtáil. Tá an conradh dáfa anois, tar éis próiseas soláthair cuí a chur i gcrích.

Chloígh an tÚdarás le treoirlínte na Roinne Dlí agus Cirt i dtaca le sonraisc a íoc.

Paindéim Covid-19

Ba as paidéim Covid-19 a tháinig roinnt athruithe ar an timpeallacht oibre agus rialaithe, agus tosaíodh ar chianobair agus obair fhíorúil a dhéanamh mar ghnás san Údarás Slándála Príobháidí. Mar thoradh air sin, thug an tÚdarás roinnt athruithe nós imeachta agus rialaithe isteach den chéad uair sa bhliain 2020. Ag gníomhú dó faoi chreat riosca agus rialaithe an Údarais, rinne an lucht bainistíochta measúnú riosca iomlán ar thionchar phaindéim Covid-19 ar an timpeallacht rialaithe sa bhliain 2020. Deimhnímid gurb éifeachtach go fóill atá na rialuithe a bhí ann cheana agus na rialuithe a tugadh isteach de bharr phaindéim Covid-19 araon.


Athbhreithniú ar Éifeachtacht

Rinne an Coiste Iniúchóireachta agus Riosca athbhreithniú ar na rialuithe inmheánacha a bhí i bhfeidhm sa bhliain 2021 a chur i gcrích an 16 Bealtaine 2022.

Saincheisteanna Rialaithe Inmheánaigh

Sa bhliain 2021, rinneadh athbhreithniú seachtrach ar an dóigh a rabhthas ag cur cheanglais an Rialacháin Ghinearálta maidir le Cosaint Sonraí i bhfeidhm san Údarás. Ag teacht sna sála ar an athbhreithniú sin, tarraingíodh roinnt moltaí ardleibhéil anuas. Tugadh plean cur chun feidhme chun críche sa ráithe deiridh den bhliain 2021, agus tá dul chun cinn á dhéanamh ag an Údarás ar an bplean sin.

Níor sainaithníodh sa rialú inmheánach i dtaca leis an mbliain 2021 aon laigí eile is gá a nochtadh sna ráitis airgeadais.



An tUasal Paul Scallan
Príomhfheidhmeannach:

Dáta: 30 Bealtaine 2022




An tUasal Richard O'Farrell
Cathaoirleach:

Dáta: 30 Bealtaine 2022

RÁITEAS FAOI IONCAM AGUS CAITEACHAS AGUS CÚLCHISTÍ COINNITHE IONCAIM DON BHLIAIN DAR CRÍOCH AN 31 NOLLAIG 2021

	Nótaí	2021	2020
		€	€
IONCAM			
Deontas ón Oireachtas	2	3,738,082	3,285,045
Táillí Ceadúnais	3	2,636,310	2,685,453
Cigireacht	15	5,400	800
		6,379,792	5,971,298
Aistriú ón/(chuig an)			
gCuntas Caipitil	8	59,239	74,782
		6,439,031	6,046,080
CAITEACHAS			
Costais Foirne	4	2,618,697	2,488,897
Riarachán	5	1,094,169	864,308
Caiteachas Iomlán		3,712,866	3,353,205
Barrachas don bhliain roimh mhéideanna a cuireadh ar aghaidh		2,726,165	2,692,875
Méid a cuireadh ar aghaidh chuig an Roinn Dlí agus Cirt	3	(2,565,000)	(2,643,000)
Barrachas/(Easnamh) don bhliain		161,165	49,875
Barrachas a tugadh ar aghaidh		102,463	52,588
Barrachas ag an 31 Nollaig		263,628	102,463

Áirítear leis an Ráiteas faoi Ioncam agus Caiteachas agus Cúlchistí Coinnithe Ioncaim na gnóthachain agus na cailleanais uile a aithníodh sa bhliain. Tá an ráiteas faoi shreabhadh airgid agus nótaí 1 go 16 mar chuid dhílis de na ráitis airgeadais seo.



An tUasal Paul Scallan
Príomhfheidhmeannach:

Dáta: 30 Bealtaine 2022




An tUasal Richard O'Farrell
Cathaoirleach:

Dáta: 30 Bealtaine 2022

RÁITEAS FAOIN STAID AIRGEADAIS AMHAIL AN 31 NOLLAIG 2021

	Nótaí	€	2021 €	€	2020 €
SÓCMHAINNÍ INLÁIMHSITHE					
Réadmhaoin, gléasra agus trealamh	6		78,040		137,279
SÓCMHAINNÍ REATHA					
Méideanna infhaighte		102,348		9,375	
Banc agus airgead		166,782		96,971	
Fardal		<u>11,160</u>		<u>12,429</u>	
			280,290		118,775
DLITEANAIS REATHA					
Méideanna iníoctha	7		<u>16,662</u>		<u>16,312</u>
GLANSÓCMHAINNÍ REATHA			263,628		<u>102,463</u>
GLANSÓCMHAINNÍ IOMLÁNA			<u>341,668</u>		<u>239,742</u>
DLITEANAIS FHADTÉARMACHA					
Cuntas Caipitil	8		78,040		137,279
Ioncam agus Caiteachas agus Tuilleamh Coinnithes			263,628		<u>102,463</u>
			<u>341,668</u>		<u>239,742</u>

Tá an ráiteas faoi shreabhadh airgid agus nótaí 1 go 16 mar chuid dhílis de na ráitis airgeadais seo.



An tUasal Paul Scallan
Príomhfheidhmeannach:

Dáta: 30 Bealtaine 2022



An tUasal Richard O'Farrell
Cathaoirleach:

Dáta: 30 Bealtaine 2022

RÁITEAS FAOI SHREABHADH AIRGID DON BHLIAIN DAR CRÍOCH AN 31 NOLLAIG 2021

Sreabhadh airgid ó ghníomhaíochtaí oibriúcháin

	2021	2020
	€	€
Barrachas/(easnamh) oibriúcháin don bhliain	161,165	49,875
Dímheas Sócmhainní Inláimhsithe	59,239	81,356
Aistriú chuig an gCuntas Caipitil	(59,239)	(74,782)
Laghdú/(Méadú) ar Fhardal	1,269	(7,139)
(Méadú)/Laghdú ar Mhéideanna Infhaighte	(92,973)	10
Méadú/(Laghdú) ar Mhéideanna Iníoctha	350	--
Insreabhadh glan airgid ó ghníomhaíochtaí oibriúcháin	69,811	49,320


Sreabhadh airgid ó ghníomhaíochtaí infheistíochta

Íocaíochtaí chun réadmhaoín, gléasra agus trealamh a cheannach	-	(6,574)
Méadú/(Laghdú) ar airgead agus ar choibhéisí airgid	<u>69,811</u>	<u>42,746</u>

RÁITEAS FAOI ATHRUITHE I nGLANCHISTÍ

	2021	2020
	€	€
Glanchistí ag an 1 Eanáir	96,971	54,225
Glanchistí ag an 31 Nollaig	<u>166,782</u>	<u>96,971</u>
Méadú/(Laghdú) ar Airgead	<u>69,811</u>	<u>42,746</u>

Tá nótaí 1 go 16 mar chuid dhílis de na ráitis airgeadais seo



An tUasal Paul Scallan
Príomhfheidhmeannach:

Dáta: 30 Bealtaine 2022



An tUasal Richard O'Farrell
Cathaoirleach:

Dáta: 30 Bealtaine 2022

NÓTAÍ LEIS NA RÁITIS AIRGEADAIS DON BHLIAIN DAR CRÍOCH AN 31 NOLLAIG 2021

1. RÁITEAS FAOI BHEARTAIS CHUNTASAÍOCHTA

Tá an bunús cuntasaíochta agus na beartais shuntasacha chuntasaíochta leagtha amach thíos. Cuireadh i bhfeidhm go comhsheasmhach iad go léir ar fud na bliana agus don bhliain roimhe.

A. FAISNÉIS GHINEARÁLTA

Cuireadh an tÚdarás Slándála Príobháidí ar bun faoin Acht um Sheirbhísí Slándála Príobháidí, 2004. Tá a cheannoifig lonnaithe i mBaile Thiobraid Árann. Is Eintiteas Leasa Phoiblí é an tÚdarás Slándála Príobháidí.

B. BUNÚS CUNTASAÍOCHTA

Ullmhaíodh na ráitis airgeadais seo de réir na mbeartas cuntasaíochta atá leagtha amach thíos, de réir na bprionsabal cuntasaíochta a bhfuil glacadh leo faoi choinbhinsiún an chostais stairiúil agus san fhoirm a cheadaigh an tAire Dlí agus Cirt.

C. TÁILLÍ CEADÚNAIS

Aithnítear táillí ceadúnais mar ioncam sa tréimhse ina bhfaightear iad. Déantar na táillí a bhailítear a chur ar aghaidh chuig an Roinn Dlí agus Cirt ar bhonn míosúil. Ní aithnítear dliteanas i leith aon táillí a fhaightear sa mhí dheireanach den bhliain chuntasaíochta agus a chuirtear ar aghaidh chuig an Roinn an bhliain ina dhiaidh sin.

D. DEONTAIS ÓN OIREACHTAS

Taifeadtar deontais ón Oireachtas ar bhonn airgid a fhaightear. Is é atá i ndeontais ón Oireachtas ná cistí a thugtar don Údarás trí Vóta na Roinne Dlí agus Cirt, áit a n-íocann an Roinn costais tuarastail agus riaracháin go díreach.

E. RÉADMHAOIN, GLÉASRA AGUS TREALAMH AGUS DÍMHEAS

Léirítear réadmhaoin, gléasra agus trealamh de réir costais, nó de réir margadhluach measta, lúide dímhéas carntha. Déantar sócmhainní seasta a dhímheas de réir méid cothrom thar a saolré úsáideach mheasta dar tosach an mhí ina gcuirtear an tsócmhainn lena mbaineann i seirbhís.

Troscán & feistis	10%
Trealamh TF	20%
Córas athnuachana ar líne	20%
Trealamh Oifige	20%

2. DEONTAS ÓN OIREACHTAS

Fotheideal B16 de Vóta 24 – Dlí agus Ceart
– le haghaidh pá agus costais riaracháin ghinearálta

2021	2020
€	€
3,738,082	3,285,045

3. TÁILLÍ CEADÚNAIS

Tá an timthriall ceadúnúcháin ina thimthriall dhá bhliain do chonraitheoirí agus ina thimthriall trí bliana do dhaoine aonair. Bíonn formhór na gceadúnas atá ina seilbh ag conraitheoirí le hathnuachan i mbliain 1 agus bíonn formhór na gceadúnas atá ina seilbh ag daoine aonair le hathnuachan i mbliain 2 den timthriall 3 bliana. Cé gurb airde an líon iarratas a fhaightear ó dhaoine aonair ná ó chonraitheoirí, is ísle an t-ioncam táillí ceadúnais a ghnóthaítear ó dhaoine aonair ná ó chonraitheoirí. Dá bhrí sin, bíonn ioncam táillí an Údaráis ag luainiú ar aon dul leis an timthriall ceadúnúcháin.

Méid a cuireadh ar aghaidh chuig an Roinn Dlí agus Cirt

	2021	2020
	€	€
Táillí ceadúnais a fuarthas sa tréimhse roimhe a bhí le cur ar aghaidh i dtús na bliana	96,710	54,088
Muirir bhainc sa bhliain	(555)	(631)
Ioncam táillí ceadúnais sa bhliain	2,636,310	2,685,453
Ioncam Cigireachta	5,400	800
Méid a cuireadh ar aghaidh chuig an Roinn Dlí agus Cirt	<u>(2,565,000)</u>	<u>(2,643,000)</u>
Méid a bhí le cur ar aghaidh ag deireadh na bliana	<u>172,865</u>	<u>96,710</u>

4. COSTAIS FOIRNE

	2021	2020
	€	€
Tuarastail agus pá	2,571,415	2,441,090
Taisteal agus cothú - náisiúnta	47,282	47,807
Taisteal agus cothú - idirnáisiúnta	0	0
	<u>2,618,697</u>	<u>2,488,897</u>

Bhí **52** bhall foirne fostaithe ag an Údarás ag an 31 Nollaig 2021 (2020: 52).

5. RIARACHÁN

	2021	2020
	€	€
Seirbhísí comhairleachta	149,324	13,501
Comhairle dlí	12,183	11,809
Táille iniúcháireachta	12,050	11,700
Táille cuntasáochta	4,612	4,612
Caidreamh Poiblí/Margaíocht	215,335	119,948
Eile	14,224	20,915
Ginearálta		
Speansais oifige	65,698	84,113
Táillí chomhaltaí an Údaráis	43,605	58,140
Costais chumarsáide	167,294	119,402
Costais cheadúnúcháin	87,196	67,084
Dímheas	59,239	81,356
Deisiúcháin agus cothabháil	65,230	3,895
Cigirí Seachtracha	-	-
Costais eile TF	175,572	223,298
Costais Dlí		
Táillí dlí	19,501	22,946
Fáilteachas		
Fáilteachas	1,582	3,001
An Bord Achomhairc	<u>1,524</u>	<u>18,588</u>
	1,094,169	864,308

6. RÉADMHAOIN, GLÉASRA AGUS TREALAMH

	Troscán & Feistis	Trealamh TF	Córas Athnuachana ar Líne	Trealamh Oifige	Iomlán
	€	€	€	€	€
COSTAS					
Ag an 1 Eanáir	0	510,056	392,905	34,427	937,388
Breiseanna	0	0	0	0	0
Diúscairtí	0	(495)	0	0	(495)
Ag an 31 Nollaig	0	509,561	392,905	34,427	936,893
DÍMHEAS CARNTHA					
Ag an 1 Eanáir	0	504,649	264,855	30,605	800,109
Muirear don bhliain	0	1,315	56,370	1,554	59,239
Diúscairtí	0	(495)	0	0	(495)
Ag an 31 Nollaig	0	505,469	321,225	32,159	858,853
GLANLUACH LEABHAR					
Ag an 31 Nollaig	0	4,092	71,680	2,268	78,040
Ag an 1 Eanáir	<u>0</u>	<u>5,407</u>	<u>128,050</u>	<u>3,822</u>	<u>137,279</u>

7. MÉIDEANNA INÍOCTHA

	2021	2020
	€	€
Táille iniúcháireachta	12,050	11,700
Táille cuntasáiochta	<u>4,612</u>	<u>4,612</u>
	<u>16,662</u>	<u>16,312</u>

8. CUNTAS CAIPITIL

	2021	2020
	€	€
Iarmhéid Tosaigh	137,279	212,061
Breiseanna	0	6,574
Amúchadh	<u>(59,239)</u>	<u>(81,356)</u>
Aistriú ón/(chuig an) Ráiteas faoi Ioncam agus Caiteachas	<u>(59,239)</u>	<u>(74,782)</u>
Iarmhéid amhail an 31 Nollaig	<u>78,040</u>	<u>137,279</u>

9. COSTAIS SOCHAIR SCOIR

Tá gach ball d'fhoireann an Údaráis ar iasacht ón Roinn Dlí agus Cirt. Íocfar costais phinsin na mball foirne sin as Vóta 12 – Aoisliúntas agus ní dhearnadh soláthar ar bith sna ráitis airgeadais seo maidir leis na costais sin.

AN BORD ACHOMHAIRC UM SHLÁNDÁIL PHRÍOBHÁIDEACH

Cuireadh an Bord Achomhairc um Shlándáil Phríobháideach ar bun chun achomhairc in aghaidh breitheanna ón Údarás a éisteacht agus a chinneadh. Cuimsíonn an Bord Achomhairc Cathaoirleach agus ceathrar comhaltaí. Is é an Rialtas a cheapann an Bord Achomhairc agus tá sé neamhspleách ar an Údarás. Is í an Roinn Dlí agus Cirt a íocann na costais a thabhaíonn an Bord.

11. RANNÍOCAÍOCHTAÍ BREISE AOISLIÚNTAIS

Is ionann na costais tuarastail sa chuntas seo agus na hollchostais don Údarás don tréimhse. Is í an Roinn Dlí agus Cirt a íocann tuarastail thar ceann an Údaráis. Déanann an Roinn Ranníocaíochtaí Breise Aoisliúntais, de réir alt 4 den Acht um Pá agus Pinsin Seirbhíse Poiblí, 2017, agus coinnítear iad mar Leithreasaí i gCabhair don Roinn sin. B'ionann é sin agus €53,103 sa bhliain 2021 (2020: €66,810).

12. NOCHTADH PÁIRTITHE GAOLMHARA

De réir an Chóid Chleachtais chun Comhlachtaí Stáit a Rialú, tá nósanna imeachta i bhfeidhm ag an Údarás maidir le nochtadh leasa ag Comhaltaí Boird agus ag fostaithe. Tá treoir maidir le nochtadh leasa ag Comhaltaí Boird ar áireamh sna nósanna imeachta sin agus chloígh an Bord leo le linn na bliana. Ní raibh aon idirbhearta ann sa bhliain maidir le gníomhaíochtaí an Údaráis a raibh aon leas tairbhiúil ag comhaltaí iontu.

13. NÓTA MAIDIR LE CÓIRÍOCHT

Oibríonn an tÚdarás amach as cóiríocht atá suite ar Shráid an Dáibhisigh, Baile Thiobraid Árann. Cuireann Oifig na nOibreacha Poiblí an chóiríocht sin ar fáil saor in aisce.

14. LUACH SAOTHAIR AN PHRÍOMHFHEIDHMEANNAIGH

Bhí luach saothair an Phríomhfheidhmeannaigh don bhliain 2021 comhdhéanta de bhuntuarastal bliantúil €105,129 (2020: €103,126). Ina theannta sin, fuair an Príomhfheidhmeannach €1,048 i leith speansais taistil agus chothaithe sa bhliain 2021 (2020: €1,797), i gcomhréir le rátaí taistil agus cothaithe na Státseirbhíse. Ní théann teidlíochtaí pinsin thar na teidlíochtaí caighdeánacha i scéim aoisliúntais sochair shainithe na hearnála poiblí. Ní dhearnadh aon íocaíochtaí feidhmíochta sa bhliain 2021.

15. TÁILLÍ CIGIREACHTA

Is é atá i dtáillí Cigireachta ná fíneálacha a ghearrtar i leith neamhchomhlíonadh na rialachán ón Údarás. B'ionann iad agus €5,400 sa bhliain 2021 (2020: €800). Taifeadtar táillí Cigireachta in ioncam táillí ceadúnais.

16. CEADÚ NA RÁITEAS AIRGEADAIS

Cheadaigh an tÚdarás na cuntais seo an 30 Bealtaine 2022.

Deimhniú an Ard-Reachtair Cuntas agus Ciste



Ard-Reachtair Cuntas agus Ciste Comptroller and Auditor General

Tuarascáil le cur faoi bhráid Thithe an Oireachtais

An tÚdarás Slándála Príobháidí

Tuairim ar na ráitis airgeadais

Tá iniúchadh déanta agam ar ráitis airgeadais an Údaráis Slándála Príobháidí don bhliain dar críoch an 31 Nollaig 2021, mar a cheanglaítear faoi fhorálacha Sceideal 1(4) den Acht um Sheirbhísí Slándála Príobháidí, 2004. Cuimsíonn na ráitis airgeadais

- an ráiteas faoi ioncam agus caiteachas agus cúlchistí coinnithe ioncaim
- an ráiteas faoin staid airgeadais
- an ráiteas faoi shreabhadh airgid, agus
- na nótaí gaolmhara, lena n-áirítear achoimre ar bheartais shuntasacha chuntasaíochta.

I mo thuairimse,

- cuirtear i láthair go cuí sna ráitis airgeadais an t-airgead a fuair agus a chaith an tÚdarás Slándála Príobháidí don bhliain 2021 agus
- tá an staid airgeadais ag an 31 Nollaig 2021 ag teacht leis na beartais chuntasaíochta atá leagtha amach sna ráitis airgeadais

Bunús na tuairime

Rinne mé m'iniúchadh ar na ráitis airgeadais de réir na gCaighdeán Idirnáisiúnta um Iniúcháireacht arna bhfógairt ag Eagraíocht Idirnáisiúnta na nUasfhoras Iniúcháireachta. Tá cur síos déanta san aguisín a ghabhann leis an tuarascáil seo ar na freagrachtaí atá orm faoi na caighdeáin sin. Táim neamhspleách ar an Údarás Slándála Príobháidí agus chomhlíon mé na freagrachtaí eiticiúla eile atá orm de réir na gcaighdeán.

Creidim gur leor an fhianaise iniúcháireachta a fuair mé agus go bhfuil sí oiriúnach do bhunús a thabhairt le mo thuairim.

Tuarascáil ar fhaisnéis seachas na ráitis airgeadais agus ar ábhair eile

Chuir an tÚdarás Slándála Príobháidí faisnéis áirithe eile i láthair i dteannta na ráiteas airgeadais. Cuimsíonn an fhaisnéis sin an ráiteas rialachais agus an ráiteas faoi rialú inmheánach. Tá cur síos déanta san aguisín a ghabhann leis an tuarascáil seo ar na freagrachtaí atá orm tuairisc a thabhairt ar fhaisnéis den sórt sin agus ar ábhair áirithe eile ar a dtuairiscím trí eisceacht.

Níl aon rud le tuairisciú agam ina leith sin.

Paul Southern
Ar son agus thar ceann
an Ard-Reachtair Cuntas agus Ciste

2 Meitheamh 2022

Freagrachtaí an Údaráis

Leagtar freagrachtaí chomhaltai an Údaráis amach sa ráiteas rialachais. Tá an tÚdarás freagrach as na nithe seo a leanas:

- na ráitis airgeadais a ullmhú san fhoirm a fhorordaítear faoi Sceideal 1(4) den Acht um Sheirbhísí Slándála Príobháidí, 2004
- a chinntiú go gcuirtear i láthair go cuí sna ráitis airgeadais an t-airgead a fuarthas agus a caitheadh don bhliain 2021 agus go bhfuil a staid airgeadais ag an 31 Nollaig 2021 ag teacht leis na beartais chuntasaíochta atá leagtha amach sna ráitis airgeadais
- a mheas cé acu is cuí nó nach cuí bunús gnóthais leantaigh na cuntasaíochta a úsáid, agus
- cibé rialú inmheánach a mheasann siad a bheith riachtanach chun ráitis airgeadais a ullmhú atá saor ó mhíráiteas ábhartha, bíodh calaóis nó earráid mar chúis leis.

Freagrachtaí an Ard-Reachtair Cuntas agus Ciste

Ceanglaítear orm faoi Sceideal 1(4) den Acht um Sheirbhísí Slándála Príobháidí, 2004, ráitis airgeadais an Údaráis Slándála Príobháidí a iniúchadh agus tuairisciú orthu do Thithe an Oireachtais.

Tá sé mar chuspóir agam agus an t-iniúchadh á dhéanamh agam dearbhú réasúnach a fháil ar cé acu atá nó nach bhfuil na ráitis airgeadais ina n-iomláine saor ó mhíráiteas ábhartha, bíodh calaóis nó earráid mar chúis leis. Is ionann dearbhú réasúnach agus leibhéal ard dearbhaithe. Mar sin féin, ní deimhniú é gur i ngach cás ina bhfuil sé ann a aimseofar míráiteas ábhartha le linn iniúchadh a dhéantar de réir na gCaighdeán Idirnáisiúnta um Iniúchóireacht. Is féidir le míráitis teacht as calaóis nó earráid agus meastar iad a bheith ábhartha más amhlaidh ina n-aonar nó mar chomhiomlán go bhféadfaí a bheith ag súil leis le réasún go rachadh siad i bhfeidhm ar chinntí eacnamaíocha a dhéanann úsáideoirí ar bhonn na ráiteas airgeadais sin.

Mar chuid d'iniúchadh a dhéantar de réir na gCaighdeán Idirnáisiúnta um Iniúchóireacht, úsáidim breithiúnas gairmiúil agus coinnim sceipteachas gairmiúil ar bun ar fud an iniúchta. Le linn déanamh amhlaidh,

- Déanaim sainaitheint agus measúnú ar na rioscaí a bhaineann le míráiteas ábhartha sna ráitis airgeadais de bharr calaíse nó earráide; ceapaim nósanna imeachta iniúchóireachta atá freagrúil do na rioscaí sin agus cuirim i bhfeidhm iad; agus faighim fianaise iniúchta is leor agus is cuí chun bunús a thabhairt do mo thuairim. Is airde an baol nach mbraithfí míráiteas ábhartha de bharr calaíse ná de bharr earráide, toisc go bhféadfadh claonpháirteachas, brionnú, easnamh d'aon ghnó, mífhaisnéis nó sárú ar an rialú inmheánach a bheith i gceist le calaóis.
- Gnóthaím tuiscint ar rialú inmheánach atá ábhartha don iniúchadh chun nósanna imeachta iniúchóireachta a dhearadh atá oiriúnach do na cúinsí. Ní dhéanaim amhlaidh, áfach, chun tuairim a thabhairt ar éifeachtacht na rialuithe inmheánacha.
- Déanaim meastóireacht ar a chuif atá na beartais chuntasaíochta a úsáideadh agus ar a réasúnaí atá na meastacháin chuntasaíochta agus an nochtadh gaolmhar.
- Déanaim cinneadh ar a chuif atá sé bunús gnóthais leantaigh na cuntasaíochta a úsáid agus, bunaithe ar an bhfianaise iniúchta a fuarthas, déanaim cinneadh ar cé acu is ann nó nach ann d'éiginnteacht ábhartha a bhaineann le heachtraí nó dálaí a d'fhéadfadh

amhras suntasach a chaitheamh ar an gcumas atá ag an Údarás Slándála Príobháidí leanúint de bheith ag feidhmiú mar ghnóthas leantach. Má chinnim gurb ann d'éiginnteacht ábhartha, ceanglaítear orm aird a tharraingt i mo thuarascáil ar an nochtadh gaolmhar sna ráitis airgeadais nó, i gcás nach leor an nochtadh sin, ceanglaítear orm mo thuairim a athrú. Tá mo chinntí bunaithe ar an bhfianaise iniúchta a fuarthas suas go dáta mo thuarascála. Mar sin féin, d'fhéadfadh eachtraí nó dálaí amach anseo a chur faoi deara go scoirfeadh an tÚdarás Slándála Príobháidí de bheith ag feidhmiú mar ghnóthas leantach.

Déanaim meastóireacht ar chur i láthair, struchtúr agus ábhar foriomlán na ráiteas airgeadais, lena n-áirítear an nochtadh, agus ar cé acu a chuirtear nó nach gcuirtear na hidirbhearta agus na heachtraí bunúsacha i láthair ar bhealach cóir sna ráitis airgeadais.

anaim cumarsáid leis na daoine sin a gcuirtear de chúram iad déileáil le rialachas maidir le raon feidhme agus uainiú ar taithe an iniúchta agus le fionnachtana suntasacha an iochta, lena n-áirítear aon easnamh shuntasacha i rialú inmheánach a shainithnínm le linn m'iniúchta, i measc ábhair eile.

airiscím trí eisceacht freisin i gcás gurb amhlaidh, i mo airimse,

Nach bhfuair mé an fhaisnéis agus na mínithe ar fad a theastaigh uaim do m'iniúchadh, nó
nár leor na taifid chuntasaíochta chun mé a chumasú iniúchadh réidh cuí a dhéanamh ar na ráitis airgeadais, nó
nach bhfuil na ráitis airgeadais ag teacht leis na taifid chuntasaíochta.

snéis seachas na ráitis airgeadais

chumhdaíonn mo thuairim ar na ráitis airgeadais an fhaisnéis a chuirtear i láthair sna ráitis airgeadais sin, agus ní chuirim i chinneadh dearbhaithe in iúl ina leith.

Taca le m'iniúchadh ar na ráitis airgeadais, ceanglaítear orm i na Caighdeáin Idirnáisiúnta um Iniúchóireacht an fhaisnéis a chuirtear i láthair a léamh agus, le linn déanamh amhlaidh, breithniú cé acu is amhlaidh nó nach amhlaidh go bhfuil an isnéis eile neamh-chomhsheasmhach go hábhartha leis na ráitis airgeadais nó le heolas a gnóthaíodh le linn an iniúchta nó bhfuil an chuma uirthi ar shlí eile go ndearnadh míráiteas ábhartha ina leith. Más amhlaidh, bunaithe ar an obair a rinne mé, go gcinim go ndearnadh míráiteas ábhartha ar an aisnéis eile sin, ceanglaítear orm an fíoras sin a thuairisciú.


airiscíú ar ábhair eile

antar m'iniúchadh trí thagairt do na cúinsí speisialta a bhaineann le comhlachtaí Stáit maidir lena mbainistiú agus lena ibriú. Tuairiscím i gcás go sainithnínm aon ábhair ábhartha a bhaineann leis an dóigh ar cuireadh gnó poiblí i gcrích.

achaim le linn an iniúchta le fianaise a fháil ar rialacht na n-bheart airgeadais. Tuairiscím i gcás go dtagaim ar aon chás ábhartha nár caitheadh airgead poiblí do na críocha a bhí ar taithe iontu nó nach ndearnadh na hidirbhearta de réir na n-áiríse a bhí á rialú iontu.

Moltaí ó Thuarascáil an Aonaid Iniúchóireachta Inmheánaí (IAU) don bhliain 2021 agus Tuairimí an Lucht Bainistíochta ina leith, mar aon leis an stádas i dtaca leis na moltaí sin ag an 31 Nollaig 2021. Ní dhearna an tArd-Reachtair Cuntas agus Ciste aon mholtaí sa bhliain 2021.

	Moladh	Tuairim an Lucht Bainistíochta	Stádas
IAU1	Ba cheart don Údarás comhalta lán-neamhspleách atá ceaptha chuig a Choiste Iniúchóireachta a bheith aige, ar comhalta é nach fostaí ná comhalta boird. De réir dhoiciméad choiste iniúchóireachta an chóid treorach chun comhlachtaí stáit a rialú, 2016.	Taifeadadh an moladh sin roimhe sin sa litir bhainistíochta ón Ard-Reachtair Cuntas agus Ciste don bhliain 2016. Ag teacht sna sála ar bhunú an Bhoird nua i mí na Samhna 2017, bhuaill an Coiste Iniúchóireachta agus Riosca nua leis an Ard-Reachtair Cuntas agus Ciste i mí Eanáir 2018. Ba é cur chun feidhme an mholta ceann de na saincheistanna a pléadh. Chuir an Coiste Iniúchóireachta agus Riosca in iúl gur chinn an Bord roimhe go gceapfaí duine éigin a bhfuil taithí cuntasáochta/airgeadais aige chuig an mBord agus chuir sé in iúl go bhfuil an duine sin ina shuí ar an gCoiste Iniúchóireachta anois. Pléadh an tsaincheist leis an Roinn le linn an Bord nua a earcú. Bhí an tArd-Reachtair Cuntas agus Ciste sásta leis an bhfreagra sin, agus ní dhearnadh aon tagairt don ní sa litir bhainistíochta don bhliain 2017. Ba cheart a thabhairt faoi deara freisin gurb amhlaidh, faoina Théarmaí Tagartha, a fhéadfaidh an Coiste comhaltaí breise a chomhthoghadh chuig an gCoiste nó sainchomhairle a fháil trí sholáthar. Thuig an tÚdarás óna fhreastal ar sheimineáir agus fóraim eile ar an gCód nach ceanglas éigeantach é sin ar Chomhlachtaí neamhthráchtála beaga Stáit. Má tá athrú tagtha ar an staid sin, nílimid ar an eolas faoi. Féachfar ar an ní an athair tráth a cheapfar an Bord nua ag deireadh na bliana 2021.	Tá an moladh seo dúnta



Aguisíní

Aguisín 1 – An Dualgas Earnála Poiblí

Ceanglaítear leis an Acht fá Choimisiún na hÉireann um Chearta an Duine agus Comhionannas, 2014, ar chomhlacht poiblí na nithe seo a leanas a dhéanamh, ag féachaint dá fheidhmeanna, dá chríoch agus dá mhéid agus do na hacmhainní atá ar fáil dó:

Measúnacht a dhéanamh – measúnacht a leagan amach sa phlean straitéiseach uaidh ar na saincheisteanna maidir le cearta an duine agus leis an gcomhionannas a chreideann sé is iomchuí maidir le feidhmeanna agus críoch an chomhlachta;

Aghaidh a thabhairt – a leagan amach sa phlean straitéiseach uaidh cé na beartais, na plananna agus na gníomhartha atá ar bun nó a bheartaítear a chur ar bun d'fhonn aghaidh a thabhairt ar na saincheisteanna sin;

Tuairisciú a dhéanamh – tuairisciú a dhéanamh ar fhorbairtí agus ar a bhfuil bainte amach aige sa tuarascáil bhliantúil uaidh.

D'fhorbair an tÚdarás an togra seo a leanas chun a chinntiú go gcomhlíonaimid alt 42 d'Acht 2014:

1. Measúnacht a dhéanamh ar ár bhfoireann agus ar an tionscal slándála chun sainathint a dhéanamh ar na príomh-shaincheisteanna maidir leis an gcomhionannas agus le cearta an duine do na daoine a oibríonn san Údarás agus sa tionscal. Is trí shuirbhé a dhéanfar an mheasúnacht ar an tionscal slándála.

Aghaidh a thabhairt ar na saincheisteanna maidir leis an gcomhionannas agus le cearta an duine a shainathneofar le linn na measúnachta. Forbrófar iad sin mar chuid dár bpróiseas planála straitéisí a bheidh le cur ar áireamh sa Phlean Straitéiseach nua.

2. An dul chun cinn a rinneadh ar aghaidh a thabhairt ar na saincheisteanna maidir leis an gcomhionannas agus le cearta an duine is iomchuí maidir leis an ról atá againn sa tionscal slándála príobháidí a cheadúnú agus a rialáil a athbhreithniú agus a chur in iúl sa Tuarascáil Bhliantúil uainn.

Táimid tiomanta do ghabháil go gníomhach do shaincheisteanna maidir leis an gcomhionannas agus le cearta an duine d'úsáideoirí seirbhíse agus do bhaill foirne. Is é an sprioc atá againn feabhas a chur ar an tseirbhís a sholáthraímid do shealbhóirí ceadúnais agus a chinntiú go mbímid ag caitheamh go cothrom neamhchlaon le daoine d'fhonn cur le luachanna na dínite, an neamh-idirdhealaithe, an chuimsithe agus an chleachtais chóir san Údarás.

Shainithníomar cheana féin gur gá dúinn oiliúint a chur ar ár bhfoireann agus feasacht a mhéadú sa tionscal slándála mar chuid d'aon chlár a sheolfar chun aghaidh a thabhairt ar shaincheisteanna a bhaineann leis an gcomhionannas agus le cearta an duine.

Aguisíní

Aguisín 2 – Tuarascálacha Staidrimh

Tuarascáil 1 – An Líon Ceadúnas Daoine Aonair arna nEisiúint ag an 31 Nollaig 2021 de réir Contae					
Contae	Maoirseoirí Dorais	Gardaí Slándála	Airgead Tirim faoi Bhealach	Faireachán	Iomlán
Ceatharlach	153	281	6	52	492
An Cabhán	136	307	4	16	463
An Clár	204	420	20	2	646
Corcaigh	1,193	2,189	19	47	3,448
Dún na nGall	254	297	2	0	553
Baile Átha Cliath	3,799	12,865	616	92	17,372
Gaillimh	669	991	15	15	1,690
Ciarraí	418	529	2	0	949
Cill Dara	528	1,400	60	35	2,023
Cill Chainnigh	114	237	2	6	359
Laois	212	461	21	9	703
Liatroim	81	96	2	4	183
Luimneach	492	1,121	94	6	1,713
An Longfort	150	296	2	1	449
Lú	359	817	20	3	1,199
Maigh Eo	231	335	5	0	571
An Mhí	268	1,008	45	6	1,327
Muineachán	131	200	0	0	331
Uíbh Fhailí	287	338	9	3	637
Ros Comáin	151	246	4	0	401
Sligeach	173	260	35	0	468
Tiobraid Árann	281	570	17	10	878
Port Láirge	312	588	36	1	937
An Iarmhí	269	560	9	2	840
Loch Garman	270	491	9	17	787
Cill Mhantáin	198	558	22	30	808
Tuaisceart Éireann	84	71	8	146	309
An Bhreatain Mhór (gan Tuaisceart Éireann a áireamh)	5	23	1	113	142
Eile	3	4	0	35	42
Iomlán	11,425	27,559	1,085	651	40,720
% den Iomlán	28.06%	67.68%	2.66%	1.60%	100.00%

Aguisín 3 – Tuarascálacha Staidrimh

Tuarascáil 2 – An Lón Ceadúnas Conraitheoirí arna nEisiúint ag an 31 Nollaig 2021 de réir Contae											
Contae	MD(SI)	MD(ÁC)	G	IP	GS(FA)	GS(FTCI)	GS(SI)	GS(S)	S(SL)	ATB	Iomlán
Ceatharlach	0	1	5	0	1	1	0	3	18	0	29
An Cabhán	0	0	2	1	1	1	0	1	20	0	26
An Clár	0	0	3	1	0	0	0	1	21	0	26
Corcaigh	3	3	21	6	4	4	3	12	101	0	157
Dún na nGall	0	0	5	2	0	0	0	1	17	0	25
Baile Átha Cliath	15	23	80	37	9	7	20	81	294	3	572
Gaillimh	1	3	10	3	1	1	2	8	47	0	75
Ciarraí	0	0	6	2	0	0	1	5	29	0	43
Cill Dara	3	3	16	7	1	1	3	8	62	0	104
Cill Chainnigh	1	1	5	0	0	0	1	4	21	0	33
Laois	1	1	1	2	0	0	1	2	13	0	21
Liatroim	0	0	0	0	0	0	0	0	5	0	5
Luimneach	0	0	4	2	1	1	0	4	43	0	55
An Longfort	0	0	0	1	0	0	0	2	11	0	14
Lú	1	1	6	0	0	0	1	5	34	0	48
Maigh Eo	0	0	5	4	0	0	1	1	14	0	25
An Mhí	1	2	12	2	0	0	1	6	52	0	76
Muineachán	1	2	2	1	0	0	1	2	17	0	26
Uíbh Fhailí	0	0	5	0	0	0	0	1	18	0	24
Ros Comáin	0	0	1	0	0	0	0	1	11	0	13
Sligeach	0	0	3	1	0	0	0	2	11	0	17
Tiobraid Árann	1	1	4	3	1	1	2	7	40	0	60
Port Láirge	1	1	6	2	0	0	1	6	17	1	35
An Iarmhí	1	2	3	8	0	0	3	5	19	0	41
Loch Garman	1	1	9	1	1	1	2	5	31	0	52
Cill Mhantáin	0	1	6	3	1	1	0	5	39	0	56
Tuaisceart Éireann	2	1	5	4	6	6	5	5	42	0	76
An Bhreatain Mhór (gan Tuaisceart Éireann a áireamh)	1	0	1	7	10	8	1	2	12	0	40
Eile	0	0	0	0	0	1	0	0	0	0	1
Iomlán	34	47	226	100	37	34	49	185	1,059	4	1,775
% den Iomlán	1.90%	2.60%	12.70%	5.60%	2.10%	1.90%	2.80%	10.40%	59.70%	0.20%	100.00%

Eochair

MD(SI) – Maoirseoir Dorais (Slándáil Imeachtaí)
MD(ÁC) – Maoirseoir Dorais (Áitribh Cheadúnaithe)
G – Glasadóir
IP – Imscrúdaitheoir Príobháideach
GS(FA) – Garda Slándála (Faireachán ar Aláirim)

GS(FTCI) – Garda Slándála (Faireachán ar TCI)
GS(SI) – Garda Slándála (Slándáil Imeachtaí)
GS(S) – Garda Slándála (Socair)
S(SL) – Suiteálai (Slándáil Leictreonach)
ATB – Airgead Tirim faoi Bhealach

Aguisíní

Aguisín 4 – Tuarascáil Fuinnimh

Is iad ola teasa agus leictreachas ár bpríomhfhoinsí úsáide fuinnimh go fóill. Is trí Chóras Bainistíochta Foirgnimh atá nua-aimseartha agus éifeachtúil a bhainistítear ár bhfóntais. Is é C2 an rátáil fuinnimh don fhoirgneamh, ar rátáil í atá os cionn an mheáin d'fhoirgnimh den sórt sin. Is é seo a leanas an úsáid fuinnimh don oifig sa bhliain 2021:

Foirgneamh an Údaráis	
Foinsí nach Foinsí Leictreacha iad (ola)	Foinsí Leictreacha
61,225 kWh	69,042 kWh

Tá na figiúirí sin cothrom le méadú 2% ar úsáid fuinnimh i gcomparáid lenár bhfeidhmíocht sa bhliain 2020. Tháinig an méadú beag as an úsáid níos mó a baineadh as an oifig sa bhliain 2021, toisc gur fhás an freastal foirne de réir mar a maolaíodh srianta Covid-19. Lean foireann fuinnimh an Údaráis le faireachán a dhéanamh ar úsáid fuinnimh ar na bealaí seo:

- Athbhreithniú a dhéanamh ar úsáid téimh agus úsáid leictreachais le cabhair ónár gcomhairleoir fuinnimh, agus tuilleadh oiliúna a sholáthar inár gCóras Bainistíochta Foirgnimh chun ár gcórais téimh agus uisce the a uathoibriú.
- Feasacht agus oiliúint foirne. A bhuí leis na comharthaí atá in airde ar fud an fhoirgnimh, meabhraítear do bhaill foirne leictreachas a chaomhnú agus bheith aireach ar a n-úsáid fuinnimh. Chuir ár gcomhairleoir fuinnimh oiliúint ar bhaill foirne chun feasacht agus caomhnú fuinnimh a mhéadú.

Ag obair dó i gcomhar le comhairleoir fuinnimh, tá tús curtha ag an Údarás le féachaint ar réitigh ar conas a chomhlíonaimid na hoibleagáidí atá orainn faoin bPlean Gnímh don Aeráid 2021, áit nach mór dúinn ár n-astaíochtaí a laghdú faoi 51% faoin mbliain 2030.

Glacann an tÚdarás páirt i gcóras ar líne Údarás Fuinnimh Inmharthana na hÉireann chun tuairisc a thabhairt ar a úsáid fuinnimh de réir Rialacháin na gComhphobal Eorpach (Éifeachtúlacht Críochúsáide Fuinnimh agus Seirbhísí Fuinnimh), 2009 (I.R. Uimh. 542 de 2009).



Teagmháil

An tÚdarás Slándála Príobháidí

Sráid an Dáibhisigh
Baile Thiobraid Árann
Co. Thiobraid Árann
E34 PY91

T: 062-32600
R: info@psa-gov.ie
G: www.psa-gov.ie

An Rannóg um Cheadúnú Conraitheoirí

T: 062-32606 062-32614
062-32624 062-32627
062-32661 062-32635
062-32631
E: contractors@psa-gov.ie

An Rannóg um Cheadúnú Daoine Aonair

T: 062-32600
R: licensing@psa-gov.ie

An Rannóg Comhlíonta agus Cigireachta

T: 062-32608
062-32612
R: enforcement@psa-gov.ie

n Rannóg Cáilíochtaí agus Caighdeán

T: 062-32636
062-32616
062-32643
062-32659
062-32607
R: standards@psa-gov.ie

An Rannóg Gnóthaí Corparáideacha

T: 062-32622
062-32633
R: info@psa-gov.ie



An tÚdarás Slándála Príobháidí
The Private Security Authority

An tÚdarás Slándála Príobháidí

Sráid an Dáibhisigh
Baile Thiobraid Árann
Co. Thiobraid Árann
E34 PY91

T: 062-32600

R: info@psa-gov.ie

G: www.psa-gov.ie